









2015
ADVERTISSE-
MENT SVR LE
POVR PARLE', QV'ON DIT
de Paix, entre le Roy
& ses rebelles.

Avec son Contrepoison.

A fin que chacun sache qu'il n'a esté rien ad-
iousté, ne osté de l'original, il a esté premie-
rement imprimé à Paris par Ian Dallier en
cette presente annee, 1568.

M. D. LXVIII.

ADVERTISSE-

MENT & VALU-

ATION, GYMNASTIC

de l'air, vance le Roy

de l'air, vance le Roy

Case

F

39

1568 a

1568 a

THE NEWBERRY

LIBRARY

LIBRARY

LIBRARY

M. D. C. C. C.

ADVERTISSEMENT

SUR LE POVR PARLE, QV'ON

*dit de Paix, entre le Roy**& ses rebelles.*

I COMME le crime de rébellion & félonnie soit par toute dispositiō de droit diuin & humain, d'autant plus capital & detestable, que la reuerence, respect & obeissance, que nous deuons à noz souuerains, est grandement recommandee de Dieu : Ceux qui ont de tout temps entrepris de troubler, alterer ou vsurper l'Estat de leurs superieurs & magistrats (qui est ce, que nous appellons proprement rebellion) pour ne point estre marquez d'un mot si odieux, se sont estudiez de couvrir, desguiser & pallier leurs sinistres conspirations de quelque pretexte plausible & specieux, lequel ordinairement ils ont tiré & accommodé à l'inclinatiō des hommes, qu'ils recognoissoient estre pour lors passionnez, & desireux de changement. Cécly se peut voir claiement par le discours des histoires tant anciennes que modernes, & i'en rapporterois icy quelques exemples, si vn certain personnage, des plus rares & singuliers de nostre sie-

cle, ne m'eust preueni en cest endroit, aiāt representé par le menu, depuis les Romains iusques à noz François, les fards, artifices & desguisemens, dont tels innouateurs se sont seruis, pour donner quelque couleur & apparence à ce qu'ils desseignoient. Tellement que ce n'est chose nouuelle, ny seulement pratiquée de nostre aage, que telle maniere de gés, pour paruenir à leur but (qui n'est autre en fin de compte, qu'une desbordée ambition, & insatiable cupidité de dominer) facent monstre de tant de beaux titres, comme du bien public, de la liberté du peuple, de la iustice, de la religiō, & d'autres semblables, selon qu'ils preuoient l'Estat tendre & estre disposé à quelque reuolution: soit pour l'occasion du gouuernement politique, ou bien que les hommes commencent à entrer en mespris de la pieté, & des cōstitutions Ecclesiastiques.

2 De faict, tous ceux qui ont remué ce grand Empire Romain, & allumé le brandon des seditions ciuiles, pour plus facilement seduire & attirer le peuple à leur party, ne preschoient que de le descharger des subsides & oppressions, dont il estoit greué par ses gouuerneurs, & le mettre en vne pleine & entiere liberté: faisans demonstration de bouche, d'estre tant amateurs de son repos & de son bien, qu'ils ne

pouuoient plus souffrir ny tolerer qu'il fust traité si rudement.

3 Depuis nous lisons en noz Annales de Frāce, que tels pretextes ont esté resueillez, & mis en auāt par les perturbateurs de ce Royau me, encore qu'ils n'eussent autre dessein, sinon de s'emparer de l'administration & gouuernement, ou du tout s'inuestir & approprier de la Couronne.

4 Pour passer à l'histoire Ecclesiastique, il se trouue que les heretiques se sont habillez des plus riches & precieux vestemens, dont Dieu a orné ses vrais & fideles seruiteurs, sçauoir de se dire Euangelistes reformez, Apostoliques : leurs monopoles & conuenticules, appeller Eglises & temples du Seigneur: leurs opinions & fantasies, la pure & expresse parole de Dieu, à eux singulierement declaree & interpretée par le saint Esprit.

5 Qui plus est, ne se contentans d'emprunter tels noms, qui ne leur conuiennent ny appartiennent aucunement, desployans d'auantage toutes les fleurs & artifices de rhetorique, dōt ils sont de longue main instruits & preparez, ne faillent iamais, soit en escrits, ou en paroles, de preuenir leurs aduersaires d'une forme de preoccupation, qui est de leur imputer & obliicer les crimes, desquels eux-mesmes, &

non autres, se ressentent attaints & coupables : & en contrechange, desrober les excellens titres d'honneur, que leursdits aduersaires ont acquis & meritez par leur grande loyauté & obeissance enuers leurs Princes.

6 Et toutefois ils s'en sauent si bien accommoder (estans cōmunemēt tels perturbateurs, des plus accorts & artificieux en leurs parolles) que les plus sages ont biē peine de descouurir la marchandise, & d'en desgouter les simples & ignorans : avec ce que les enuies, simuletez & passions esblouissent & enforcellent de telle façon la plus part des plus grās, que cōmbien qu'ils cognoissent & voyent à l'œil ce qui en est, neantmoins par conuiuece, ou autrement, ils sont contēts de donner cours & force à si meschantes & malheureuses entreprinſes.

7 Par-ainſi, quand ces grans orages & tempestes s'esleuent contre vn Estat, il est malaisé de l'asseurer, & empescher le naufrage : d'autāt mesmes que quelques vns de ceux qui sont au gouuernal, se laissent quelquefois transporter aux vents d'ambition, estans si lasches & faillis d'entendement, qu'ils estiment se pouoir conseruer, ores que la nauire vint à perir & enfondrer.

8 Et s'il en y a de si bien naiz & genereux,

lesquels ne pouuans endurer aucune alteration
estre faite de leur temps , au preiudice du bien
public , se veulent opposer , il ne se peut croi-
re de quelle rage & furie ils sont assaillis & at-
taquez . Car tout ainsi qu'en vn siege de ville,
les ennemis braquent premierement l'artillerie
contre les defences pour les rompre & ruiner,
pource qu'estans icelles rompues , le soldat
qui est dedans, demeure desnueé , & à la mercy
du canon: ny plus ny moins noz innouateurs
& remueurs de mesnage, desseignans de chan-
ger l'Estat de leurs Princes, pour puis apres s'en
inuestir, dressent toute leur batterie contre les
plus loyaux & fideles seruiteurs & defenseurs
dudit Estat , faisant cependant courir le bruit,
que ce sont querelles priuees, & qu'ils ne pre-
tendent rien ailleurs.

9 Mais comme il ne se faut arrester, & beau-
coup moins fier aux paroles de son ennemy
(lequel dresse le plus souuent son esguille à vn
port secret, feignant de faire voile autre part)
le Prince bien aduisé ne se trouue iamais enue-
loppé de telles ruses : au contraire sans s'amu-
ser à tant de belles protestations, declarations,
submissions , il penetre plus auant iusques au
vis: & descourant que sous le manteau d'une
querelle emprutée à credit , ou de quelque au-
tre pretexte fardé & coulouré, c'est à luy & à

son Estat que le paquet s'adresse, il se met en deuoir de leuer premierement le masque, & puis de pouruoir si dextrement à ses affaires, que la force luy demeure de son costé.

10 Pour venir à nostre tēps, & à ce que nous voyons en ce Royaume, ramenant de plus loin les pratiques, stratagemes & artifices, dont les rebelles ont vsé dès le commencement de leurs remuemens, il me semble qu'ils n'ont rien oublié de tout ce que nous en lisons és anciens monumens, qu'ils ne l'ayent bien & proprement rapporté à leurs desseins. Car selō qu'ils ont cognu la disposition des affaires de ceste Couronne, l'humeur des tēps & des personnes, ils ont sceu si finemēt & couuertemēt acheminer leur faction, que de prime face les plus clair-voyans y ont esté esblouys.

11 Il me souuient, que pour lors ie reuenois d'un voyage de Poloigne, & à mon retour ie me trouuay à Heidelberg avec quelques Gentils-hommes de nostre nation: lesquels me cōmuniquans de l'entreprise des premiers troubles, encore que ie descouurois en eux beaucoup d'aigreur & de passion, si est-ce que ie ne mē pouuois pas bien desuelopper des raisons qu'ils m'alleguoient. Car ayant esté absent par l'espace de quatre à cinq ans, ie ne leur pouuois bonnement respondre sur l'Estat de la France,

France, & beaucoup moins leur satisfaire sur les occasions de mescontentement, desquelles ils pretendoient leurs chefs auoir esté elmeus.

12 Et combien que ie ne fusse ignorant du deuoir des suiets enuers leur Prince, contre lequel il ne leur estoit permis de s'esleuer: si est ce que me remettât deuât les yeux, qu'ils pouuoient estre induits par quelque opinion de Religion, ie les excusois aucunement, iugeant de leurs desseins & volôtez, selon que i'en aprenois d'eux.

13 Et ie ne fais point de doute, que plusieurs ne se soient trouuez en mesme erreur, iusques à tât que les rebelles ne se pouuâs plus contenir en leur peau, se sont ouuertemêt declarez par leurs actions & deportemens, directemêt contraires à ce qu'au parauant ils prenoient pour pretexte. Car lors qu'ils commencerent premierement à fonder & planter leurs nouueautez, ils ne chantoient rien plus que de rédre obeissance aux superieurs, d'aimer son prochain comme soy-mesme, de ne luy mesfaire ny mesdire en quelque façon que ce fust, de plustost se precipiter en vn cruel supplice, que rât soit peu troubler & alterer le repos public: bref, leurs bouches n'estoient pleines que de paroles succees & amiellees. Mais puis apres qu'ils s'en voulurent faire croire par les armes,

exerçans tous actes d'hostilité contre le Roy & ses suiets, ils demonstrent oculairement (quelque parade qu'ils feissent du seruice de sa Maiesté, & du zeile de la Religion) qu'ils ne pretendoient rien moins que l'vn & l'autre.

14 Or comme ceste ruse & pratique est ordinaire à tous cōspirateurs de seduire les plus grossiers, en leur iettant ce faux voile deuant les yeux, le moyē de les descouurir est fort facile, en rapportant la difformité & repugnance de leurs œuures, effects & actions.

15 Iosephe ancien historiographe, descriuāt la rebellion & reuolte, que feirent les Iuifs contre les Romains leurs seigneurs, sous couleur de quelques rudesses & mauuais traitemens, qu'ils pretendoient auoir receus de leur Gouverneur nommé Florus, deduit bien particulièrement les remonstrances que le Roy Agrippa leur feit, touchant le peu d'occasion & apparence qu'il y auoit en leurs entreprises.

16 Et là dessus les Iuifs, pour toute responce & excuse, protestans que c'estoit seulement contre Florus, qu'ils portoient les armes, & non contre les Romains, desquels ils estoient & vouloient estre & demeurer tresobeissans seruiteurs & tributaires, Agrippa leur repliqua, que cela estoit fort aisé à dire, mais que ce

pendant les œuures n'estoient point autres, ny meilleures que des plus barbares & declarez ennemis du peuple Romain. Car les villes qu'ils saccageoiēt, les thresors qu'ils pilloient, les portiques & bastimens qu'ils brusloient, les champs qu'ils degastoiēt, n'estoient pas ny les villes, ny les thresors, ny les terres, ny les maisons de Florus, & que nul n'y estoit offensé ny interessé que les Romains, ausquels le tout appartenoit.

17 Pareillement quand nos nouveaux Religieux se faissans des villes du Roy, & les vendans à beaux angelots comptans, demolissans les saincts temples & sepulchres, rançonnans le pource peuple, respandans le sang des innocens, butinans & rauageans tout ce Royaume, preschoiēt le seruice du Roy: on leur pouuoit bien respondre en vn mot, que le Roy se passeroit bien de tels seruiteurs, & que les Anglois, ou autres ennemis de ceste Couronne ne pourroient pas faire pis.

18 Et toutefois le Roy vsant de sa bonté nayue, & douceur accoustumee, auoit mis en oubly toutes leurs fautes, esperant aussi qu'eux de leur part en viendroient à quelque reconnaissance & amendement.

19 Les choses se maintenoient assez paisiblement, & suiuant la moderation & reiglement

des Edicts, iusques à ce que l'entreprinse de Meaux sur la personne du Roy, de la Royne sa mere, & de Messieurs ses freres, a fait euidem-
mēt cognoistre, & mōstré ce qui estoit encore en doute de la continuation de leurs desseins: chose si mōstrueuse, que cōbié qu'elle fust denon-
ceee & aueree par plusieurs aduertissemēs, ne pouuoit neantmoins entrer en l'esprit de quelques vns, voire de ceux qui font professiō de se bien entendre en telles denrees. De sorte que leurs Maiestez se trouuerent en vn peril d'autant plus present & eminent, que lon n'eust iamais estimé, que des suiets se fussent si auāt desuoyez & esloignez de leur deuoir & respect enuers leur Prince.

20 Or nous touchons au doigt, ce que nos discours ne pouuoient comprédre: ie dy de ceux qui en faisoient iugement selon les paroles, & non selō les œuures, & partant reputoiēt tous aduis au contraire, cōme procedans de gens suspects & exulcerez.

21 Or maintenant voyons nous que ces bonnes & simples gens, qui ne pensoient qu'à viure doucement en leurs maisons, & par maniere de dire, planter des choux, sont en campagne avec leurs troupes ramassees & alliees de tous les endroits de ce Royaume: s'efforcēt avec les armes de surprendre leurs Maiestez,

de les combattre sur les chemins de Meaux à Paris, essayent d'entamer les Suisses, faisoient les villes du Roy, assiegent sa personne dedas Paris, luy empeschent le cours des riuieres, & bruslent les moulins à sa veüe pour l'affamer, degastent le plat pays, mangent & pillent ses pources suiets, avec infinis meurtres & rançonemens: taschent de luy leuer les principales forteresses, rāpars & aduenues de son Royaume, pour par là donner entree aux Estrangers: desseignent de butiner & partager entre eux la despouille d'un ieune Roy: & pour conclure en vn mot, font & commettent choses si execrables, que les plus inueteres & coniurez ennemis de la Couronne ne les voudroient auoir songees, & beaucoup moins attenter & entreprendre.

22 Or maintenant cognoissons nous, & ce non seulement par tels effects, mais d'auantage par les escrits qu'ils en publient, que leur but, qu'ils ont caché si longuement sous tel quel pretexte de Religiō, ne tendoit, & ne tēd encore, qu'à l'entiere subuersion & ruine de cest Estat.

23 S'estās dōc declarez à descouuert ce qu'ils font, le Roy apres les auoir rappelez par plusieurs fois, & les cognoissant contumax, endurecis & obstinez en leur mauuais dessein, n'a

peu moins faire de son costé, que de faire aussi la declaration contre eux telle, que iustement ils meritoient, & que par les loix est prescrite & ordonnée, qui est de les iuger & declarer desobeissans, factieux, rebelles & crimineux de lese Maiesté: au premier chef, leur interdire les viures, victuailles & autres commoditez, implorer l'aide de ses bons suiets pour leur courre sus, pour rompre & dissiper leurs assemblees, requerir le secours & la faueur des Princes & peuples estrangers, comme ayans interest pour l'exemple & cōsequēce, que tels & si malheureux desseins soient reprimez, & les auteurs d'iceux punis & chastiez.

24 Parainsi nous sommes aux armes, nō point de nostre volōté, mais pour y auoir esté poufsez & contraints, non point pour l'offensue, mais pour la defensue, qui est naturelle & legitime: & nous les auons prises en main par expres commandement de nostre Roy, pour luy maintenir & conseruer son sceptre, & quāt & quant pour defendre & asseurer noz biens & noz vies, pour destourner & rabattre les efforts de noz ennemis intestins & domestiques, qui sont auiourd'huy bandez, liguez, & coniuerez à l'entiere ruine de nostre Prince, & de ses bons & fideles seruiteurs & suiets.

25 Mais Dieu soit loué, que iusques icy les

choses sont aucunemēt en leur entier, la personne de leurs Maïestez en toute seureté, la ville de Paris, & presque toutes les autres en son obeissance, sa Noblesse du tout affectionnee, ses voisins biē prests & deliberez d'y employer tous leurs moyens.

26 Et certainement quand lon considere le cours de ces remuemens, & comme toutes choses sont reūscies, cela nous fait recognoistre & cōfesser, que Dieu est le vray defendeur & protecteur des Princes, & vengeur des iniures qui leur sont faites.

27 Premièrement, le Roy a esté sur le poinct de tomber és mains de ses ennemis: Dieu par sa bôté & puissance l'en a preserué. Puis ils l'ont tenu assiegé deux mois en vne ville populeuse, & despourueū de viures, & luy ont retranché tous les moyens d'y en pouuoir faire arriuer: Dieu avec sa saincte benediction a multiplié ceux qui y estoient, & en a nourry & sustenté cinq à six cens mille personnes.

28 Ils l'ont surprins, n'ayant amas de gens de guerre, eux au cōtraire assemblez & pourueus d'armes & cheuaux de longue main: Dieu en vn moment luy a suscité vn nombre infini de bons suiets, tous bien preparez & resoluz de n'espargner la vie pour son seruice. Ils ont esté si oseZ & presomptueux de luy liurer la batail-

le en pleine campagne, s'attendans de luy def-
faire ses forces. Dieu a empesché l'exécution
de leurs conseils, & donné la vertu & le cou-
rage aux Seigneurs & Capitaines de son ar-
mee, de non seulement les soustenir, mais
oultreplus de les reduire à vne fuite honteuse
& dommageable.

29 Finablement Dieu s'est monstré tant fauo-
rable pour le seruice de sa Maiesté, & les com-
mencemens en sont si grans, que (pourueu que
lon vueille marcher de bõ pied) lon n'en peut
esperer que bonne issue.

30 Et tout ainsi qu'il ne se trouue point aux
histoires, que iamais rebelles ayent conceu &
machiné vne si malheureuse & execrable con-
spiration contre leur Prince: aussi Prince ne
fut iamais si promptement aidé de ses suiets,
ayant le Roy en ces extremitez de temps &
d'affaires, assemblé plus de forces de pied &
de cheual, que ses predecesseurs ne peurent
onc mettre ensemble en la plus grande pro-
sperité de leurs regnes.

31 C'est sans parler du secours des Princes
voisins & estrangers, lesquels liberalement en
ont fait offre, portans tant de regret d'une tel-
le indignité, qu'ils en estiment & l'iniure & la
vengeance leur en estre cõmune avec le Roy.
Aussi est-ce vne cause qui touche & appartient
à tous

à tous ceux, lesquels Dieu a establi en souueraine autorité par dessus le peuple, que toutes & quantes fois que l'obeissance est deniee à l'un d'eux, les autres accourēt pour la luy remettre entre les mains: & c'est pourquoy les anciens disoient que le nom & sceptre Royal estoit saint & inuiolable.

32 Estant la guerre ouuerte entre le Roy & ses rebelles, & les forces venuës de toutes parts, ie vous laisse à penser les discours que lon fait & pardeça & ailleurs touchant les euenemens.

33 Quelques uns ayans veu que le Roy captiuant sa grâdeur, festoit desmis iusques à là, que d'enuoyer vers eux des principaux Conseillers & ministres de son Estat, pour tascher de les retirer, offrant de les embrasser & recueillir, si dedans certain temps. ils auoient recours à sa misericorde, estimoiet que bien tost les choses passeroient avec moyen d'accord & appointement.

34 Il en y a plusieurs de contraire opinion, d'autant que le Roy ne se peut assener des rebelles, & qu'il a esté trompé & abusé si souuent de leurs protestations, qu'il n'a occasion de s'y fier. Tellement que quand ils oyent parler de paix, ils fuyent & abhorrent ce mot cōme la peste, non point qu'ils ne desirassent de

voir biē tost eux & le peuple en repos, & vne
bōne paix & trāquillité establie en ce Royau-
me. Mais ils alleguent, qu'on n'a point accou-
stumé d'vsurper ce mot de paix, sinon quand
il est question de composer & terminer les
differens qui sont entre Princes voisins & e-
gaux, & qu'il ne se doit approprier aux suiets
reuoltez & rebellez contre leur Prince.

35 Et à la verité, si le Iurisqueult ne les ap-
pelle point ennemis, mais simplement sedi-
tieux & rebelles, pource que ennemis sont
proprement ceux, lesquels se guerroyent pour
extensio de limites, ou bien pour quelques
torts faits à eux, ou à leur peuple: ils ne doi-
uent aussi estre honorez de ce beau mot de
paix, sinon qu'ils se soumettent à la misericor-
de de leurs Princes. Quand Antonius s'estant
esleué contre sa patrie, fut iugé & condamné
par le Senat pour rebelle, & perturbateur du
repos public; quelques pacificateurs furent
d'aduis de le reconcilier, & de luy enuoyer
des Ambassadeurs pour l'induire à quelque
voye d'accord. Ciceron trouuoit ceste façon
fort estrange, & du tout aliene de la dignité du
Senat, preuoyant biē que cetraité ne pouuoit
estre que treshonteux & perilleux à l'aduenir.

36 Il est bien vray que la bonté & clemence
est tousiours grandement recommandable

aux Princes, mesmes à ceux qui sont en bas
aage : & partant c'est chose louable, que le
Roy, auant que venir au remede des armes, a
essayé par tous moyens de flechir & addoucir
la contumace & pertinacité de ses rebelles. Si
faut il aussi d'autre part considerer, que les
Roys ne maintiennent leur Estat, que par Iu-
stice, & que ce n'est sans grande raison que la
licéce & impunité est surnommee la mere &
nourrice des malfaiteurs.

37 Ceux-là mesmes qui descōseillent la paix,
disent en outre, que la rebellion est le vray
chancre d'un Estat, lequel ne se peut guerir ny
oster par douceur, ains plustost prend de là sa
nourriture, vigueur, & accroissement. Et que
ainsi soit, ils n'ont faute d'exemples tirez à ce
propos, verifiens euidemment par les succez
des seditions ciuiles de Rome, que la souffra-
ce, tolerance & conuiuece, a esté la seule cau-
se de la perte & desolatiō de ceste Republique
iadis tant florissante. Et au contraire, venans à
discourir des rebellions, qui ont trauaillé la
Frâce sous le Roy sainct Loys, & autres ses suc-
cesseurs, ils trouuent qu'il n'y a iamais eu autre
moyen de les retrancher & desraciner, que
par le glaue, alleguans par forme de similitu-
de, que le bon chirurgien ayant à traiter vn
patiēt nauré à mort, n'a accoustumé d'y espar-

gner ny le cautere, ny le rasoir. Et comme les doctes font tousiours comparaisn du corps humain avec celui d'un Estat, soit Republique ou Principauté, on ne peut iuger autrement, sinõ que es grans troubles & esmotiõs la douceur est trespernicieuse, & partant reputée en cest endroit à vne pusillanime lascheté, & defaillance de cœur.

38 Encores passent-ils outre, en se fondans plus auant sur le poinct d'honneur, & disent que si vn Gentilhomme reçoit vn dementy, voire d'un sien cõpagnon, il luy coustera plustost la vie, qu'il ne la luy face desauouer. Or n'y a il point de proportion d'un homme de ceste qualité à vn Roy, & encore moins d'une parole cõtumelieuse à tant d'affrõs, frayeurs, torts, dommages, & iniures, que sa Maiesté a receues de ses rebelles. Et là dessus Dieu sçait s'ils oublient de ramenteuoir & deduire par le menu les excès & cruantez des premiers troubles, la vendition du Haure de grace, les capitulations faites avec la Royne d'Angleterre, les signatures surprinses à Chaalons par Monsieur de Buffy d'Amboise, les inhumanitez plus que barbares, perpetrees cõtre les viuans & les morts en tous les coins de ce Royaume: & nouuellemēt les attentats contre leurs Maiestez, les proiets faits de surprendre & occu-

per les plus fortes & importantes places du Roy, les partages de sa Couronne, la fantastique conception d'un Royaume d'Aristocratie, les alliances estrangeres accordees sous ceste esperance, la leuee des Estrangers, l'engagement & promesse des trois villes, pour fournir à leur soulde & payement. De façon que cherchans paix & accord avec ceux qui ont ainsi traité le Roy & son peuple, ce seroit autât que si on les vouloit conuier à poursuiure, ou bien plustost paracheuer leurs entreprinſes: & par maniere de parler, il vaudroit autant leur crier mercy de ce qu'ils ont esté empeschez desia par deux fois d'exterminer le Roy & sa maison, & de faire changer de main à son sceptre.

39 Or ia à Dieu ne plaife, que tant de bons ſuiets, Princes, Seigneurs, Prelats, Gétilshommes, Capitaines, Soldats, Citadins & autres, qui sont restez en l'obeissance du Roy, endurent que de leur temps sa Maieſté, à laquelle ils ont promis & iuré, garder ceste Couronne, qui luy est laissée & acquise de droict de succession & heredité. Plustost employerōs-nous & les biēs & la vie, iusques à la derniere goutte de nostre sang, que ce blasme & reproche nous soit dōné, par lequel nous nous rédriōs indignes & degradables du titre de Noblesse.

40 C'est vne querelle, en laquelle les bons

ſuiets doiuent faire paroistre leur ſincere affection, obſeruance & loyauté enuers le Roy, & pour laquelle les loix leur permettent, & la neceſſité leur commande expreſſement, de ſe tenir vnis & vnanimes pour la tuitiõ & deſenſe de leurs Maieſtez, de la patrie, & du repos public. Car outre ce, qu'en laſchant la bride à ceſte conſpiration des rebelles, nous laiſſons en danger leurs Maieſtez, & mettons en euident peril toutes noz fortunes: Le vous laiſſe à penſer quelle reputatiõ nous nous acquerons à l'endroit des Princes eſtrangers.

41 Pour conſclusion, ce traité qu'on dit de paix, ne peut rapporter autre fruit au Roy, ſinon vn grand meſpris & contemnement de ſon autorité, vn certain danger de ſa perſonne, vne perpetuelle doute & crainte de nouvelles entrepriſes cõtre ſes villes & ſon Eſtat, & aux rebelles accroiſſement d'impudence, confirmation de leurs mauuiſes intentions, reſpit & loisir de ſe rafreſchir & fortifier, de drefler & biẽ aſſeurer leurs pratiques, & d'ex-cogiter d'autres moyens, pour infailliblement paruenir au but où ils aſpirent. Car c'eſt bien ſimplicité de penſer, & encore plus de croire, que puis qu'ils ſe ſont embarquez en ce gouffre de rebellion, pour entreprendre la conqueſte de ce Royaume, ils en puiſſent iamais

perdre le gouſt ny l'eſperance, ſinon entant
que les moyens leur en ſeront reſequez.

42 Partant, ores que la paix fuſt aujourd'huy
receuable & neceſſaire, quel moyen auez vous
de l'eſtablir, fonder & aſſeurer tellement, que
ce ne ſoit vne paix fourree & inſidieuſe, &
qu'elle ne vienne bien toſt à engendrer & en-
fanter vne troiſieme guerre, trois fois pire, &
plus dangereuſe que les deux premieres? Car ſi
vous vous fiez à la foy qu'ils vous donneront,
penſez comme ils en ont vſé par cy deuant, &
rememorez quâtes & quantes fois leurs chefs
ont fait & reïteré tant de belles promeſſes &
ſermens au Roy & à la Royne, de ne recom-
mencer iamais les troubles, pour quelque oc-
caſion, & ſous quelque pretexte que ce fuſt.
Paraduenture attendez vous, qu'après vn ac-
cord ils ſe retirent en leurs maiſons, laiſſent &
poſent les armes, avec intention de ne les re-
prendre, que ce ne ſoit par expres commande-
ment & ordonnance du Roy.

43 Plusieurs Edicts en ont eſté faits par ſa
Maieſté, & avec l'aduiſ & conſeil des princi-
paux de ceſte conſpiration, leſquels particulie-
ment ſy ſont ſoumis & obligez, aſſeurans le
Roy d'y obeir, à peine d'encourir ſon indigna-
tion, & d'eſtre cenſez & reputez ennemis &
perturbateurs du repos public. Toutefois les

contrauentions si frequentes & ordinaires, qu'ils ont faites par le passé, font craindre & presumer qu'ils presteront encore moins d'obeissance à l'aduenir.

44 Si le Roy se desarme, licentiant les forces de sa Noblesse, renuoyât les Suisses, & faisant mettre bas les armes à ceux des villes, lesquels indubitablement y obeïront: ses rebelles, quelque mine qu'ils facent de se renger à ceste mesme egalité, auront sous main vn commandement de leurs chefs de cacher leurs meilleures armes és caues & greniers de leurs maisons, d'exhiber tant seulement quelques picques seiches, & quelques harquebouses enrouillees: ils couleront le temps iusques à ce qu'ils voyent vne belle occasion, feront nouvelle provision d'armes & de cheuaux, cueillette de deniers pour vne retenue de Reistres. Cependant les synodes se feront en chacune prouince, leurs Seigneurs & Capitaines s'assembleront sous couleur de solennizer vn Baptisme ou Mariage. Là les deliberations d'vn nouveau remuement se resoudront, là le iour & le lieu du Rendez-vous, se concluront. Voilà leurs Maiestez en des nouvelles peurs, en doute & de leurs personnes, & du Royaume. Eux deputeront à la Cour quelque Brique-mault, Boucart ou Telligny, pour leur donner
des

des paroles frivoles, & leur recommander la fidelité de tant de bons reformez, qui ne pensent qu'à leur couper la gorge, & luy arracher le sceptre des mains. Et ne faut point douter, que toutes & quantes fois qu'ils voudront tirer des dons & pensions, & obtenir des estats, offices, & benefices pour ceux de leur ligue & faction, ils ne continuent de faire ces alarmes à la Royne, iusques à ce qu'estans bien munis & preparez, ils se sentent auoir beau ieu, pour luy liurer eschec & mat.

45 Quelle peine sera-ce au Roy de recevoir ces frayeurs à toutes heures, & de viure en ceste anxieté, qu'il ne puisse seurement se mettre aux champs, qu'il n'enuoye descourir dix lieues à la ronde, s'il n'y a point quelques troupes de cheuaux, qui espient de le surprendre? Pourquoy donc ces bons sujets n'exposeront ils leurs vies pour luy asseurer la siéne, & pour le deliurer de ceste indigne & seruile suetion vne fois pour toutes?

46 Ce sont icy les considerations, qui meuuent plusieurs grans personages d'abhorrer & detester la paix, qu'on dit avec les rebelles, non seulement pource que l'inegalité des contrahans la rendroit honteuse & desauantageuse à l'une des parties, mais aussi qu'elle ne pourroit subsister aucunement.

47 D'autre-part, pour satisfaire à ceux qui sont desirieux d'une pacification, remonstrans que les succez & euenemens de la guerre sont incertains, ils sont premierement grand estat de la iustice du Roy, & de l'equite de sa querelle: d'autant que la plus certaine esperance & opinion que nous pouuons comprendre & conceuoir d'une heureuse issue de guerre, est appuyee sur ce fondement, que nous ayons le bon droict de nostre costé. Car lors pouuons nous avec bonne raison, & en saine conscience implorer l'aide de nostre Dieu, lequel nous recognoissons, selon qu'il est appellé es saintes Escritures, le Dieu des batailles, & aucteur des victoires. Lors pouuons nous aussi proposer aux soldats, que comme Dieu est la mesme verité, la mesme iustice, & la mesme raison: c'est celuy, qui leur donnera les forces & l'asseurance pour combattre & debeller leurs ennemis. Et en cest endroit vn Capitaine estant versé es histoires Françoises & estrangeres, triomphera de deduire & prouuer par exemples, que toutes & quantes fois que le rebelle s'est présenté en champ de bataille contre son Prince ou Magistrat, il y a esté desfait & desconfy.

48 Pour preuue & tesmoignage de ce, il citera en premier lieu la rebellion qui fut faite en Espagne contre l'Empereur Charles cinqui-

me au commencement de son regne, dont le
sucez fut si heureux pour sa Maieſté, que tous
les ſeditieux furent rompus en bataille, &
pris pour la pluspart. Pour plus grande con-
firmation de son dire, il mōſtrera que la Roy-
ne Marie d'Angleterre, à l'aduenement de ſa
Couronne, trouuant ſon païs mutiné & reuol-
té par les menees du plus grand nombre des
Seigneurs d'iceluy, en moins de deux mois ſe
rendit la maiſtreſſe par tout. Et pour damer la
vertu des Princeſſes Heroïques, il n'oubliera
de ramēteuoir l'Eſtat de Flandres, tel que nous
l'auons veu depuis deux ans, & tel que nous le
voyons auiourd'huy.

49 Mais quel beſoin luy ſera-il de rechercher
ſi curieusement les exemples forains, puis qu'il
ſ'en offre des domestiques? Durant les pre-
miers troubles de ce Royaume, y a-il eu iamais
bataille ou rencontre, dont le Roy & ſes Lieu-
tenans n'ayent emporté l'honneur & l'auanta-
ge? Lon ſe peut ſouuenir de la route de Duras,
& de l'admirable ſucez de la bataille de
Dreux: & encore plus eſt freſche la memoire
de la deſfaite de Pōcenas, & de la victoire que
Dieu a donnee au Roy aupres de S. Denis.

50 En ſomme, quand les ſoldats entendront
qu'en Eſpagne, en Suiſſe, en Allemagne, en
Angleterre, en Flandres, & en Frāce, les rebel-

les venans aux mains avec leurs Princes ou Magistrats, s'en font tousiours tres-mal trouuez, & que Dieu a ordinairement accompagn  la bonne cause des Souuerains, d'une triomphante & glorieuse victoire, cela leur enflera & hauffera le c ur, tout ainsi que les rebelles de l'autre part estonnez de tant d'exemples, & gehennez interieurement d'un remors de conscience, perdront & les forces & le courage de resister.

51 C'est sans toucher aux commoditez que sa Maiest  peut auoir outre & par dessus lesdits rebelles, qui neantmoins seru t & aident beaucoup   la victoire, comme d'auoir les villes & plat pays   sa deuotion, les viures en abondance, la quantit  d'artillerie & des munitions, le plus grand nombre de combatans & de pied & de cheual, & le moyen de les entretenir, la faueur & assistance des Princes ses voisins & allies, les pri res du poure peuple: de mani re qu'ores que Dieu ne se mesleroit que de garder les gages, il en faudroit esperer l'issue selon les forces.

52 Brief, il y a si peu d'egalit  entre le Roy & ses rebelles, tant pour le regard de la cause, que des moy s & auantages de la guerre, que m mes les pacificateurs ne font point de doute, que sa Maiest  ne se face bie  recognoi-

estre & obeir par eux. Mais ils ont quelque regret, que le Roy desploye ses forces contre ceux qui luy sont nez suiets, & par la perte desquels il faisoiblit d'autant d'hommes, qui par aventure luy pourroient cy après faire quelque bon seruice en la necessité de ses affaires. Cecy a bien quelque apparence, & certainement il n'y a celuy bon suiét & seruiteur de sa Maiesté, qui ne porte le mesme regret, & qui ne desirast plustost de voir tous ses suiets vnies en son obeissance, que la distraction & ruine d'une partie d'iceux.

53 Mais il est quelquefois plus que besoin & expedient de couper vn membre pourry & mal affecté, pour sauuer & garentir le reste du corps qui est sain & entier. Autrement si les Roys vouloiét estre si pitoyables enuers ceux qui les offensent, & qui ont changé le nom & naturel de suiets & seruiteurs, en celuy de rebelles & ennemis, en vain les loix seroient instituées pour la correction des delinquans. Ce seroit mal fait de punir les larrons, les voleurs, les sacrileges, les adulteres, les homicides, & autres semblables especes de malfaiteurs, pource que c'est perdre autant de suiets.

54 Or tant s'en faut qu'un Roy recoiue quelque dōmage par l'extirpation de telles gēs, qui ne sont propres qu'à troubler son Estat, & le

repos de son peuple, qu'au contraire il ne peut
sans cela conseruer ny maintenir sa Courone.
C'est tout ainsi que d'un sang corrompu, & de
vne superfluité & redondance de mauuaises
humeurs, dont la retention est tresperilleuse,
& la purgation tressalutaire & profitable à la
santé de l'homme.

ss Aduoions donc & confessons apres les
sages, que la Iustice est le principal fondemēt,
sur lequel est assuree l'authorité des Roys:
que c'est celle qui les fait regner, qui leur don-
ne credit & pouuoir enuers leurs suiets, qui
les fait craindre & redouter de leurs ennemis,
& que c'est la vraye deuise de nostre Roy, cō-
iointement avec la Pieté: Tellement que s'ap-
puyant sur ces deux colonnes, & administrant
bonne iustice, & se seruāt à propos du secours
de ses bons suiets & seruiteurs, le Dieu eter-
nel, iuge & remunerateur des saintes œuures
& droictes intentions, luy fera grace d'auoir
la raison de ses rebelles & ennemis, qui est le
seul moyen d'establiir son Estat, & d'acquérir
vne perpetuelle paix & repos en son Royau-
me.

F I N.

CONTREPOISON A L'ADVERTISSEMENT

PRECEDENT.

ENTRE les choses requises à celuy qui veut persuader, & donner auctorité à son conseil, il n'y en a point, qui luy soit tant nécessaire, qu'à avoir auparavant fait cognoistre par ses actions, qu'il est homme de bien, fidele à celuy qui escoute sa remonstrance, & pruden pour sauoir luy proposer la plus seur voye, & le party qu'il doit tenir en son affaire: si au contraire il est cognu, qu'il est meü de passion tédant à aucune sienne commodité, il est incontinent reietté avec ses persuasions. Laquelle affection quand nous aurons fait euidentement cognoistre en cestui-cy, qui se mesle de donner cest aduertissement sur le pourparlé de la paix, nous estimons qu'il n'aura gueres de poids ne auctorité en ses remonstrances. Pour à quoy paruenir, nous ferös auparavant quelque peu de discours, fondé sur coniectures & argumens, pour sauoir l'auteur de tel conseil, qui crie si haut, à fin d'empescher le traité de ceste paix tant desirée, non seulement des bös, mais encore de ceux qui ne sont ne bons ne mauuais, ains desirent seulement conseruer

eux, les leurs & leurs biens, pour en iouyr paisiblement. Si nous considerons la nature des personnes, leurs actions & necessitez, esquelles ils se sont reduits, qui doutera que ce ne soit celuy, qui a fait ouuerte profession d'estre ennemy de paix & du repos public? qui par troubles & guerres a tasché tousiours d'esleuer luy & toute sa maison? qui par voyes incognues auparauant, est paruenu aux plus grans biens Ecclesiastiques, voire en plus grand nombre, que iamais à beaucoup pres aucune personne ne peut amasser en ce Royaume, trainant apres luy vn tas de moines & prestres, qui luy sont tributaires, gardiens d'Euechez, Abbaies & Prieurez? Par ces moyens il & les siens ont fait tels amas de richesses, & se sont rendus si puissans, que par le grand nombre de leurs partisans & sectateurs, ils ont esté formidables aux Roys: Tellement qu'il n'a esté possible de les ranger sous les loix de ce Royaume, par eux audacieusement violees & forcees en toute impunité iusques à present. Partant il ne se faut esbahir, si l'on desire la continuation de ces troubles & miseres publiques. Car il a tellement conduit ses affaires, qu'il luy semble ne se pouoir sauuer, & eschapper tant d'ennemis qu'il a, si l'on n'a tousiours vne armee conduite sous le nom du Roy, au deuant de
foy,

foy, pour couvrir & defendre sa malheureuse
& detestable vie. Voila la necessité qui le con-
traint de prescher ceste belle Croisade, pour
allonger ses derniers iours, en crainte de sa
personne, & horreur du iugement de Dieu,
dont il sent les esguillons & poinctures en sa
maudite conscience. En quoy il est bien cer-
rain, que la plus part de ceux de la religion Ro-
maine le desaduouë, cōme celuy seul qui leur
oste le repos, & iouissance paisible de leurs
biens, & qui est la principale cause de tous
leurs maux & miseres, degast & ruines de leurs
maisons & terres. Car ils cognoissent verita-
blement, si luy & son frere se fussent reposez,
quand ils commencerent les premiers trou-
bles, qu'un chacun se fust reposé : & se fust lon
contenté de la iouissance de l'Edict de Ianuier,
par lequel les nostres auoient quelque liberte
de leurs consciences, & tolerable exercice de
la Religion, ne demandans autre chose, sinon
que lon les laissast ainsi viure, sans qu'ils vou-
lissent contraindre les autres : dont il ne fest
iamais contenté, tant a eu de force la tyranni-
que & depraue cupidité enuers les simples &
ignorans, sous couleur de les vouloir conser-
uer en leur Religion, c'est à dire en leurs biens.
Dont routefois la pluspart ne sont à se repen-
tir, bien cognoissans, que sil continue encore

quelque peu leur defense, ils n'auront plus rien à defendre, ains periront entieremēt avec luy & les adherans. Voila comment il est amateur du repos public : contre lequel il ne cesse encore tout ouuertemēt de crier, & d'empescher la cōclusion de ceste paix. qui fait assez croire, qu'il est aucteur, ou pour le moins instructeur de ce notable Aduertissement.

Quant au premier article d'iceluy, nous cōfessons avec luy, que le crime de rebellion est tresdetestable : mais nous ne sommes d'accord qui est le rebelle, ou luy, ou nous. Que ce soit luy, il appert assez par ses actions, qu'il est criminel de lese Maiesté en tous ses chefs, quand bien il n'y auroit autre chose, que l'vsurpation indeue, que luy & les siens feirent de la personne du feu Roy dernier mort, & du gouvernement entier de ce Royaume, estant le Roy en bas aage de quinze ans, ou enuiron, eux estrangers, sans aucune conuocation des Estats, en ayant exclus le feu Roy de Nauarre par subtils moyens, ayans ce temps durant assemblée toutes les forces du Roy à Orleans, pour forcer les volōtez & suffrages des Estats, & ayant emprisonné les Princes du sang, pour les faire mourir honteusement, & procedé à ceste fin alencontre d'eux : qui sont toutes actions contraires aux anciens establissemens

de ce Royaume. Puis ayant esté fait l'Edict de
Ianuier, auec grande assemblee de gens nota-
bles pour la pacification des mouuemens en-
comminceez, son frere & luy sy opposerent
par voye de faict, commencerent par le mas-
sacre de Vassy: Puis incontinct par armes des-
couuertes se saisirent de Paris, ville capitale de
ce Royaume, & de la personne du Roy, contre
sa volonté & de la Roynes sa mere, comme ils
declarerent lors ouuertement par paroles &
faits tesmoignez par larmes & regrets. Deme-
nans icelle guerre, quelles cruauitez ne feirent
ils en vertu du Triumvirat? Ils forcerent villes,
entre les autres Poictiers & Rouen, esquelles
ils ne laisserent rien d'inhumanité & de cruau-
té, qui ne fust par eux commise, iusques au for-
cement des femmes & filles, meurtres & sac-
cagemens.

Ils se sont tousiours ingereez d'entrer au
Conseil du Roy, contre l'expresse intention &
requisition des Estats, & tousiours depuis fait
mille menees, pour troubler la paix ensuiuie
par le moye de l'Edict de pacification, iusques
à esmouuoir les troubles presens, en y appel-
lant, sollicitant, & criant apres les Estrangers
pour y venir. Ce que n'ayans peu faire par grâ-
des forces, au moins ils ont tant fait, que leurs
Ambassadeurs sont les principaux & plus au-

torisez du Conseil du Roy, iusques à faire re-
uoquer ce que le Roy auoit ia signé pour la
pacification, traicee par Monsieur le Cardinal
de Chastillon & Monsieur de Moruillier. D'a-
uantage, n'a-il pas esté descouuert par surpri-
ses des lettres du Roy d'Espagne, & du Gou-
uerneur de sa frontiere, qu'ils ont voulu met-
tre les Espagnols dans la ville de Bayonne,
sous couleur que la Royne de Nauarre, qu'il
appelle la femme de Vendosme, n'y entrast? A
qui peut-lon attribuer telles menees, sinon à
celuy qui est coustumier de ce faire, & qui pre-
tend se maintenir par l'introductiō des Estrā-
gers en ce Royaume? Comment appellerons
nous l'hommage qu'il feit à l'Empereur de
son Archeuesché de Mets, par lequel nom-
meemēt ledit Seigneur Empereur le préd en
sa protection & sauuegarde, promettant de le
defendre enuers tous Princes, & contre tous?
S'il veut dire que le Roy luy a permis ce faire,
ou bien a eu agreable ce qu'il en auoit fait, où
est la loy, droict ou coustume, qui ne le con-
damne, en alleguāt le consentement d'un Roy
de bas aage, en chose de telle consequēce, sans
l'auctorité de son Conseil legitime: & qui pis
est, luy se portant pour l'un de ses principaux
Conseillers, avec ses creatures introduites cō-
tre toute raison au Cōseil dudit Seigneur Roy?

Que dirons nous de luy, si par tels deportemens & autres semblables, il a mis toute peine de se fortifier & nicher au pais Messin, suivant la commodité que luy donnoient deux prouinces de ce Royaume, Bourgogne & Champagne, estans gouuernees par les siens: la proximité de Lorraine, de sa Pairie & Archeuesché de Reims, pour redresser son Royaume d'Austrasie, & renouueller les anciennes querelles & accumulations, dont noz histoires font mention? Mais Dieu mercy, il est si bié aduenü, qu'il n'a aucune qualité ne condition, ne luy ne les siens, qui puissent faire esperer telle Couröne, estant diffamé entre les autres de deux taches & vices, qui se combattent & destruisent l'un l'autre, c'est assauoir ambition & auarice, desquelles l'une aspire tousiours à choses grandes, hautes & magnifiques, & l'autre tient l'homme bas courbé & lié cõtre terre, & proprement attaché à route petitesse. L'ambition pour executer ses entreprises, a besoin de grande suite d'hommes de viue execution, y employant & respendant le sien & l'autrui. L'auarice retiét le sien à toutes mains, & arrache l'autrui, tant qu'elle peut. Qui est vn argument certain, combien qu'il pèse estre homme de grand sens, discours & prudence, qu'il est grandement trompé, voulant accou-

pler en luy deux choses impossibles, procedās de causes cōtraires, cōme aussi elles produisent effets tous cōtraires l'un à l'autre. Et pour confirmation que sa mauuaistiē surmonte sa finesse, comme il est aisē de feindre profession de Religion à celuy qui n'en a aucune, sil eust fait quelque semblant de fauoriser ceux de nostre Religion, il est vray-semblable, qu'il nous eust aisēment deceuz & pipez, & eust tellement surpris & endormy vne grande partie des plus puissans & Nobles, qu'il fust venu à chef de son ambition, voire par leurs moyens & supports. Mais Dieu no^r a preseruez de ce dāger, cōme il a fait de plusieurs autres, & n'a permis que noz ennemis fussent tellemēt masquez en leurs mauuaistiez, qu'elles ne fussent aisēes à cōuaincre & descouurir. Vray est qu'il a voulu aucūnement radouber ceste faute depuis les derniers troubles, à l'endroit de quelque grād Seigneur de ce Royaume, luy voulant persuader, combien qu'il l'eust menē à deux doigts de la mort, qu'il n'y auoit iamais pensē, & qu'il se vouloit reconcilier avec luy, pour luy estre treshumble seruiteur & fidele parent, duquel il ne blasmoit la Religion. A quoy Dieu y a sceu si bien pouruoir, qu'il n'y a riē gaignē que honte & confusion. Je laisse ce beau Concile de Trente, par lequel il a voulu concilier le

Roy au traitement, duquel il ne s'est moins entaché de crime de lese Maieſté, que es autres affaires, y faisant apposer decrets diffamatoires contre le Roy & la Maieſté.

Ce ſont tous manifestes crimes de lese Maieſté par eux commis, outre les querelles que luy & ſon frere dresſoient au feu Roy, de tout ſon Royaume, comme eſtans de la race de Charlemaigne: dont ils ont mis en queſte toutes ſortes de gens, pour en deſcouvrir quelque choſe par les hſtoires: outre les querelles du Duché d'Aniou & Comté de Prouence, pour leſquelles eſclarcir ils voulurent entreprendre le voyage d'Italie, & entamer la Couronne de Naples & Sicile. Lequel voyage a tant couſté à ce Royaume, qu'il n'eſt poſſible le ſauoir eſtimer: ayant eſté reduit & contraint par leurs fautes, à quitter toutes les conqueſtes d'Italie, Piemont, Sauoye, Corſe, & pais bas. De toutes leſquelles conſpirations, ils n'ont point cherché aucun deſguiſement par le moyen du bien public, ou autre, par ce qu'ils ne pouuoient y donner couleur aucune autre, que de treſennemie volonté contre le Roy & ſes ſuiets. Dôt eſt apparēt en eux ce qu'ils nous obſcūrent fauſſement, vne deſbordée ambition, & inſatiable cupidité de dominer, aſſez conuaincuz par leurs actions, meſmes traitees & deſcrites par

les escrits ia faits de ceste matiere, mesmemēt
par le liure des m archās de Paris, fait apres les
premiers troubles, sur sa belle entrée d'icelle
ville contre Monsieur le Mareschal de Mont-
morency. Estant nostre Roy en son bas aage
ainsi mené, seduit, sollicité & armé d'Estran-
gers, par gens sans aucune vocation ne pou-
voir legitime, qui peut nier que ses suiets ne
ayent deū prendre les armes, pour dechasser
icelles gens d'alentour de luy? & ce faisant,
empescher la ruine prochaine de luy & de son
Royaume, & luy faire entendre, comme il est
vray, qu'il n'a point de plus pernicious ennem-
is, que ceux qui sont près de luy: lesquels a-
busans de sa ieunesse & simplicité, le remplis-
sent de tresdangereuses opinions, contraires à
sa grandeur & son deuoir, au repos des siens,
& seureté de son Estat? S'il y a quelque saincte
sedition, comme il a tousiours maintenu, qui
est elle autre que celle là, qui se fait pour le bñ
de son Roy & pais? Partant telles entreprises
ne sont aucunement à blasmer, puis que iadis
elles ont produit plusieurs bons effects, com-
me reformations d'Estats, & establissemens
de bonnes loix, conservatoires d'iceux. Ce qui
appert assez entre les autres, par les histoires
Romaines. Y a il chose plus pernicious a vn
Estat, que quand vn Prince prend conseil de
ses

ses ennemis à l'encontre de ses suiets, avec lesquels ou luy ou ses predecesseurs ont tousiours resisté ausdits ennemis, voire iusques à leur donner la loy, & le Roy qu'il leur a pleu establir sur eux? Comme feit le Roy Charles le quint, par le moyen de Messire Bertrand du Gueselin son Connestable: qui feit la guerre tellemēt en Espagne, qu'elle fut par luy domtee, & contrainte de receuoir le Roy, qui par eux auoit esté dechassé. Les guerres recentes, qui ont trauaillé & consumé quasi tous les hommes de nostre memoire, nous doiuent assez instruire, quelle assurance lon doit mettre sur l'alliance du Roy d'Espagne, qui est assez meu par la necessité de ses affaires, de susciter & entretenir troubles en ce Royaume, pour essayer d'accommoder son païs bas, qui est par trop loin de luy, & lequel il voudroit, comme il est vray-semblable, continuer, en obstant l'empeschement d'entre-deux, que le Royaume de France luy donne: qu'il luy semble ne pouuoir mieux faire, que tenant la France desunie en troubles & guerres: estimant que les mouuemens de la guerre luy ouurirōt quelque porte pour y entrer, ou bien que les forces de ce païs s'affoiblirōt tellement, combatans les vns contre les autres, qu'il aura bon marché du demeurant, & que la belle Inquisi-

tion & le Concile de Trêre seront receus entre nous, pour ceux qui eschapperont leur cruauté, faire tous deuenir moines ou prestres, ou bien tenans noz vies & biens en hommage de eux, & noz consciences forcees & gehennées par leurs violences. Par ce que la cause des moines & prestres est de si mauuais goust, que sans y mettre quelque artifice de faulx, il ne seroit possible de la digerer: il tasche d'y comprendre la reuolution de l'Estat politique, & des constitutions Ecclesiastiques. Quant au dernier poinct du mespris de la pieté, qui depend du fond de la Religion, chose assez traitée par plusieurs escrits, ie ne veux maintenât y entrer plus auant: mais vn bien peu au propos de la reuolutiõ de l'Estat politique. Quelle impudence est celle là, de nous vouloir reprocher aucun desir de remuement en l'Estat politique, duquel les prestres sont dés long temps les entrepreneurs & bastisseurs: lesquels ne pouuans par force faire conquestes, ont prins & suiuy les voyes des regnards, introduisant sous quelque couuerture de Religion, leurs loix parmy toutes les nations & Estats de la Chrestienté? Ils commencerent iadis l'establissement de leur Eglise, qu'ils appellent Catholique, par le reiglemét de leur Clergé: encore fut-ce par l'expresse permission de

l'Empereur Romain, qui lors commandoit au monde: lequel meü de quelque apparence de saincteté, fausse ou vraye, voulut bien en cest endroit fauoriser ce commencement, pour sous son auctorité faire que ses suiets embrassassent la Religion. Et de faict, entre ses cōstitutions Imperiales il a bien donné confirmation & auctorité aux premiers Decrets de l'Eglise. Mais peu à peu les Papes plus fins que les Empereurs suiuan, voyans le mode ia soumis à leur deuotion, ont osé passer plus outre, iusques à faire loix & decretales, qu'ils ont cōmandé estre leuës publiquement és Vniuersitez: dont la ieunesse instruite, abbruuee & nourrie en telle superstition, a delaisé l'ancienne Iurisprudence, cōme inuentions des Payés. Quand les ieunes ainsi instruits sont paruenus en leur rang au gouuernement des villes, administrations d'offices publiques, aux conseils des Princes & Roys, ils ont tousiours mis en auant & credit telles loix decretales, cōme establies par le vicaire de Dieu. Et parce aussi qu'ils ne fauoier riē de meilleur, & que chacun veut faire valoir la marchandise, en laquelle il a esté nourry, ils ont maintenu, que tous ordres politiques controuerses & differens, se deuoient policer & iuger selon telles constitutions, comme fils procedoient du sainct Es-

prit: voire iusques à receuoir ceste voix, que les loix ciuiles ne desdaignoient point de suiure celles du Pape, surnommez saincts Decrets. Par ainsi est aduenü, que la chambriere a supplanté la maistresse, quand l'auctorité des Papes, fondée sur la permission des Princes, a voulu au cōtraire, & de fait a prins audace de reprouuer ou approuuer (qu'ils appellēt canoniser) les loix ciuiles. A l'encontre desquelles raisons les Seigneurs de ce temps là n'ayās suffisante instruction de conseil, à cause de l'enfeuelissement des lettres, & sciences politiques, ne sachans que dire, se laissoient aileemēt persuader, iusques à soy soumettre à toutes les volontez du Pape: farcir & bigarrer leurs Parlemens de moines & prestres: permettre que en tous iugemens, où le droict canon estoit contraire au droict commun & ciuil, lon suiuit tousiours le droict canon: aduouër les provisions papales des biens temporels de leurs Royaumes. Et non contents de ce, ils ont soustrait les suiets naturels des Princes, de l'obeissance & iurisdiction de leursdits Seigneurs, en leur faisant couper vn peu de poil du sommet de la teste, & graissant le front, ils les ont vendiquez & attirez à eux & à leurs Officiaux: & en abusant de la facilité & simplicité des hommes, entre les autres artifices, ils ont fait for-

rir de leur forge vne impression d'opinion, cō-
firmee par loix & decretales, que les prestres
& moines pourroient acquerir toutes sortes
de terres, Royaumes, Duchez, Comtez, Barō-
nies, Chastellenies, & autres heritages, qui
toutefois ne seroient iamais alienables, tout
ainsi que le domaine des Roys. De sorte
que si le mode n'eust esté resueillé par la main
de Dieu, quiconque eust voulu auoir quelque
bien, il eust esté contraint de se faire prestre
ou moine. Car où se fussent trouuez les biens
de ce monde, sinon en leurs nasses, & entre les
mains de ceux qui peuuent tout happer, & qui
ne laissent rien eschapper? Quoy voyans la
plus part des hommes, qui ont tousiours en
admiration les plus riches, & ceux qui di-
stribuent les richesses, se sont retirez volon-
tiers vers eux, pour esperance d'y profiter, fai-
sans la principale obeissance & submission de
leurs personnes à Monsieur le Pape & à ses E-
uesques: & partant se desrobans de l'entiere
suietion qu'ils doiuent aux Roys & Princes
leurs naturels Seigneurs. Ce qui a apporté a-
uecques le temps vn tel remuement, & si vni-
uersellement en toute la Chrestienté, que si les
choses eussent encore quelque peu continué,
les Princes mesmes fussent demeurez sans ter-
re ne suiets: & s'ils en eussent voulu auoir, leur

eust esté force de Roys & Princes, deuenir moines & prestres, comme iadis ils ont esté reduits en plusieurs prouinces & nations, en y receuant les interdictions & fulminatiōs horribles de sa Saincteté, substractions de suiets, en les quittant & deliurant du serment de fidelité deuë à leurs Princes souuerains, en receuant les sainctes Inquisitions, espouuantables voire aux plus grans Princes de la Chrestienté. Quelle felonnie, quelle rebellion, ou crime de lese Maiesté peut estre plus expres, que d'aliener les suiets de leur Prince, seduire & soustraire son peuple, & bigarrer tellement en vn pais vn Estat, qui deust estre vny sous l'obeissance de son Seigneur? que l'vnē partie des suiets, tant en leurs biens que personnes, recognoissent vn superieur Estranger, & l'autre partie soit seulement reseruee au Seigneur & Prince naturel, voire encore avec licence de l'abandonner, & se consacrer à l'autre, quand bon luy semble, comme si vn corps politique peult auoir deux testes: Que peut lon dire d'vn tel Estat, à qui bien considere la verité de cest affaire, sinon que c'est vn monstre nouveau, non iamais veu ne entendu par le passé, & que ceux qui anciennement ont discouru sur les sortes des Republiques, & autres gouuernemens politiques, n'ont aucunement compris?

Et pour seconder à leurs affections, ils n'ont pas tort, fils blasment toutes sortes de sciēces, en haïssant ceux qui font profession des lettres: fils ont entretenu le monde longuement en ignorance: fils sont enragez, que le sauoir ait descouuert leurs ordes & salles puantises & regnardises. Car veritablement toutes telles choses leur sont cōtraires. Mais nous sommes asseurez que Dieu en a esté & sera cognu & loué. Et comme la cause des troubles, procedans de leur part, est detestable, aussi la fin & issue d'iceux, par les moyens que Dieu a mis és mains de ceux qui resistēt aux prestres, produira effets heureux, par lesquels Dieu sera adoré, le Roy obey, & le peuple mis en repos. Duquel repos public celuy qui ose par ses articles empescher le propos, de quel autre nom sera-il digne, sinō d'estre nommé le plus malheureux homme du monde, & coniué ennemy de Dieu? Cela seruira pour responce au premier article, & autres, iusques au 13.

Sur lequel & subsequens, ie dy à qui aura bien entendu le discours precedent, que nous n'auons changé ny de volonté, ny de noz premiers propos, contenans que nous voulions rēdre obeissance à noz superieurs: par lesquels nous n'auons iamais entendu autres que noz Roys, & les Magistrats legitiment par eux

establiz. Si le Pape & ses prestres se mettent au nombre de noz superieurs, c'est le principal poinct du proces qui est entre eux & nous, duquel nous n'entendons les faire iuges. Quant à nous precipiter plustost en vn cruel supplice, que tât soit peu troubler le repos public, nous entédons assez ce qu'ils veulent dire, assauoir, que nous deuons endurer toutes leurs cruau-
tez, comme lon a fait l'espace de quarante ou cinquante ans, plustost que de troubler leurs aises, auctoritez & preeminences, qu'ils appellent le repos public, si repos peut estre, quand les esprits sont mal instruits, & les consciences forcees. S'ils estoient quelques personnes neutres, qui par remonstrances & sermons nous voussissent reduire à quelque recô-
ciliation avec noz ennemis, ils auroient apparence de nous exhorter à la patience Chrestienne. Mais il est mal seât à eux, de faire telles remonstrances, de porter patiemment toutes afflictions, puis qu'ils sont ceux qui nous ont tousiours affligé & tourmété. Il seroit aussi lasche à nous de les croire, comme il est impudent à eux de nous en requerir & prescher. Et puis ils se viennēt couvrir du nom du Roy, contre lequel nous pouuons estre estimez rebelles, fils sont ce qu'ils pretendent, c'est assauoir noz Rois & superieurs, ou bien concurrens

rens auéc iceux en souueraineté, ou plustost
souuerains des souuerains : comme par leurs
Decretales ils osent bien appeller leur regne,
le grád lumineux du Soleil, & celuy des Prin-
ces, qu'ils disent seculiers & temporels, le
moindre lumineux de la Lune : voulans dire,
que tout ainsi que la Lune prend sa lumiere du
Soleil, aussi les Princes seculiers tiennent leur
dignité de la Papauté. Voila cōme le mōde est
allé à reculōs, par la cōduite & vsurpation des
Papes, qui s'est estendue si auant, qu'ils n'ont
fait difficulté de tenter & d'entreprendre la
distribution des places du ciel & des enfers,
comme estans vicaires de Dieu, en blasphe-
mant execrablement contre sa Maiesté, &
luy attribuant fautes, que les hommes medio-
crement aduisez ne commettroient en leurs
affaires: c'est assauoir, de souffrir ou choisir vi-
caires & procureurs les plus contraires à leurs
volontez, & les moins dignes d'auoir telles
administrations, introduits en tel lieu par tou-
tes voyes de corruption & violence, par hom-
mes semblables à eux, corrompuz en toutes
sortes, & lesquels apres leurs introductions,
font tout le mauuais mesnage en l'Eglise de
Dieu, que nous sauons par trop, vendans tou-
tes les parties, charges & offices d'icelle, à au-
tres petits marchandeaux, faisans de mesmes:

& qui est le comble de tout desordre, baillans leur charge d'Euesques, Curez, & autres, és mains de semblables mercenaires, à belles & grosses fermes de deniers contens. Voila cōment ils se chargent de noz ames, en les baillant à ferme, comme vn troupeau de moutōs, se chargeans pour toutes charges de bailler quittance au bout de l'an, nous tenans veritablement au lieu de bestes, comme n'ayās pour les paistre & engraisser, sans en oser sonner mot. Mais Dieu soit loué, qui a fait parler telles bestes, iusques à ce que les rochers & mōtagnes en resonnent, & luy demandent raison & vengeance de telles gens leurs ennemis.

Quant aux desordres & cruantez ensuiuiues par les troubles precedens & presens, qu'ils nous reprochent, ie leur diray vn seul mot, connu & manifeste à tout le monde, sans allegation d'aucune particularité de faict, que l'on puisse nier. Celuy qui est cause & commencement de la guerre, n'est-il pas raisonnable, qu'il porte la coulpe & l'enuie de tous les malheurs causez par icelle? Celuy qui comença le massacre de Vassy, de son auctorité violente, & pure priuee, pour empescher le cours & obseruance de l'Edict de lanuier: qui se saisit de la ville capitale, de la personne du Roy pupille, maugré luy: qui s'empara de tou-

tes ses forces, tant de ce Royaume que de de-
hors, en y appellant Suiffes, Espagnols & Ita-
liens : qui chassa tous ceux de la Religion hors
des lieux de leurs habitations & païs, mesme-
ment de la ville de Paris, apres en auoir fait
mourir plusieurs: qui sous couleur de paix raf-
choit à surprendre & attirer en ses embusches
les Seigneurs à luy contraires : qui maintenoit
à part, & entre les siés, qu'il ne leur falloist gar-
der la foy, comme estans rebelles & hereti-
ques : qui força Poiçtiers & Rouan, y com-
mettant toute hostilité: N'est-il pas la vraye
cause des maux, que les autres necessitez &
contrains à se defendre par armes, ont com-
mis, estans forcez par la mauuaistié de la guer-
re: qui pour retarder & brider la fureur de l'é-
nemy, presente remedes extraordinaires &
violens à ceux, qui autrement n'en voudroiet
vser? Quand bien il n'y auroit autre argument,
pour conuaincre l'aucteur & la cause de tou-
tes ces miserables guerres, ne s'est-il pas assez
fait paroistre par sa seule mort, ayant fait in-
continent mourir la guerre precedente avec-
ques luy? Ceste mort si à propos, n'a-elle fait
cognoistre deux choses manifestement, dont
plusieurs estoient en doute, par les calomnies
de noz ennemis, toutes semblables à celles dõt
ils nous battent à present : c'est assauoir, que

c'estoit luy seul, contre lequel on s'estoit armé?
& quant au Roy nostre souuerain Seigneur,
nous estions si loin d'aucun mescontentement
ou entreprise contre sa personne ou Estat, que
il fut incōtinent receu par toutes ses villes, re-
cognu en toute affection & humilité, avec cō-
gratulation & graces rendues à Dieu, qui par
ce seul moyen & heureuse mort l'auoit avec-
ques nous deliuré de captiuité, & preserué des
dangers extremés de ce commun ennemy?
Qui peut douter, si le frere eust suiuy le frere,
que ces seconds troubles, semblables aux pre-
miers, ne fussent nullement suiuis? Mais la
main de Dieu le trouuera, quand & où bon
luy semblera. Tant y a, que suyuant les prote-
stations par cy deuant faites deuant Dieu &
ses Anges, nous affermons & protestons en-
core à present, que nous souhaitons à nostre
Prince toute felicité, & augmentatiō de digni-
té, paix & tranquillité à luy & à ses suiets: qui
ne peut estre tandis qu'il sera entre les mains
de ceux qui le maniēt & conseillent: Desquels
fil ne peut encore faire iugement s'ils luy sont
fideles ou desloyaux, au moins peut il cognoi-
stre, que quāt à aucuns, il les a trouuez alētour
de luy dès son enfance, sans y estre par luy ne
assemblee des Estats appelez, mais expresse-
ment par iceux exclus, & qui ne sont ne de

maison, ne de suffisance aucune, mais la plupart introduits par faueurs desordonnees, ou bien par vsurpations toutes manifestes, comme sont les Ambassadeurs d'Espagne & du Pape. Qui est chose par trop odieuse, & intolérable à tous les ordres & Estats de ceste nation Françoisse, qui desire sur toutes choses de secoier ce ioug d'Estrangers, & lequel elle ne pourra iamais endurer, sans vne extreme ruine, laquelle les François aiment trop mieux encourir, que ceste ignominieuse tache & infamie. Ce sont ceux là, & non autres, à qui nous prétendons auoir à faire, à qui nous en voulons, qui nous appellét rebelles & heretiques, qui tâchent de mettre entre nostre Roy & nous vne desfiâce accompagnée de desespoir, pour essayer à rompre ceste ancienne liaison de iustice & equité Royale, avec l'obeissance du peuple, en laquelle ce Royaume a esté premierement fondé, augmenté & conserué, non par les intelligences & communications de tels Estrangers. Ce sont ceux là qui nous rendent impossibles les approches de la personne de nostre Roy, pour luy presenter noz tres-humbles requestes. Ce sont eux qui nous font prendre les armes maugré nous, pour y paruenir avec quelque seureté. Mais la mesme bôté & prouidence diuine, qui a miraculeusement

tiré le Roy & nous des miseres precedentes, nous tirera encore hors de ces presentes, à la confusion de ces esprits turbulents, ennemis de paix & repos. Ceste infinie prouidence ne permettra que ceste maniere de gens puisse surprendre & peruertir la simple ieunesse de nostre Roy, ains luy ouurira les yeux de l'entendement, pour cognoistre qu'il n'a nuls ennemis plus grans, que ceux qui sont pres de luy, & qui le delaiassent plustost en aduersité, ou pour vray dire, qui luy courussent plustost sus, pour faire leur profit de son infelicité. Desquelles choses les exemples ne sont que trop frequens par les histoires.

Quant au 19. 20. 21. 22. articles & autres, qui parlét de l'entreprise de Meaux sur la personne du Roy, les escrits faits par cy deuant y ont amplement respondu, & monstré que les Seigneurs de nostre party infalliblement & trefasseurement aduertiz de la coniuration recête, bastie contre leurs testes, & consequé-
ment contre tous ceux de la Religion reformee, & tellement bastie, que les forces Estrangeres des Suisses estoient ia dans le cœur du Royaume, fauorisees de celles du Roy d'Espagne, estans és pais de Flandres, & prochaines de nous pour faire leur effort en ce Royaume, sans empeschement de mer, montagne ou ri-

uiere: Pareillement informez à l'œil, que le peuple Papiste de Paris estoit armé, les monstres des gensdarmes en armes, assignees des compagnies toutes Papistes: Lesdits Seigneurs ne pouuoient moins faire, que de pouruoir à leur seureté, pour auoir accez à la personne de nostre Roy, & luy supplier treshumblement leur faire raison & iustice de leurs ennemis: & si autrement ils eussent fait, outre le dâger de leurs personnes ineuitable, ils en eussent rapporté vne diffamation eternelle d'imprudence inexcusable, avec l'oppression certaine de tous ceux de la Religion. Et le meilleur qui y soit, c'est que ce faict nous est obiecté pour crime, par ceux mesmes qui auoient forgé ceste coniuration aussi sainte, comme leurs saintes Inquisitions & seditions. Aussi leur chef & capitaine, est la vraye Idee de sainteté, & se nomme la Sainteté: qui toutefois ne se sent pas, ne ceux de la ligue & suite trop saints ne munis, de voir ces bonnes & simples gens, qui pensent bien à autre chose qu'à planter des choux, qui sont en campagne avec leurs troupes, ramassees & alliees de tous les endroits de ce Royaume: qui ne veulent plus attendre que lon leur vienne couper la gorge en leurs maisons sous le nom de telles fausfetez, mais vont au deuant vigoureusement:

sefforcent avec les armes de surprendre & combattre leurs Sainctetez: font venir Reistres contre Suisses, Espagnols & Italiens: s'accommodent des villes, réuersent citadelles, font marcher artillerie: ils ont leur droict canon comme le Pape, & leurs docteurs en ceste faculté bien experts, qui en disputent pertinemment: assiegent dans Paris ceux qui assiegent le Roy: bref, ils font tout le contraire de ce que leurs ennemis attendoient, & ne veulent plus croire en paroles de tels ouuriers, & ne se fient en leurs propositions de paix: desirent oster le voile d'erreur & de deception, que sa Saincteté tasche mettre au deuant des yeux de nostre Roy: ne veulent permettre que les Estrangers commandent en ce Royaume: empeschent le butinement de ce pais, que lesdits tels desseignent & distribuent entre eux. En quoy les Huguenots ont grandissime tort, ce disent les soldats de sadite Saincteté. Sur quoy nous en croirons toutes personnes equitables, tant en ce Royaume que és nations Estrangeres, tant de cest aage que de toute la posterité.

23 Sur le 23. article nous disons que noz ennemis monstrent ce que nous auons cy dessus touché; qu'ils ne sont si fins, ny nous si credules; qu'ils ont estimé. Pensoient-ils, puis que Dieu nous a donné des armes, que nous nous

vousissions laisser combattre par leurs parche-
mins, intitulez du nom du Roy? dont ils ayans
le Roy en leur puissance, peuuent finer aisée-
ment, conceuz en diuers styles, maintenant
doux & gracieux, avec belles promesses, main-
tenant aigres & rigoureux avec menaces, en
criant alarme de tous costez, pour esleuer la
terre habitable alencontre de nous. Dont les
premiers ne nous pourrôt abuser, tandis qu'il
nous souuiédra de leurs cruautéz & trahisons:
& les autres ne nous espouvanteront, tandis
qu'il plaira à Dieu cōtinuer ses graces, en nous
fortifiant, comme il a fait iusques à present.
Ce neantmoins il est facile à iuger, que ceste
seconde façon de lettres contraires aux pre-
mieres, descouure assez leurs pipees: chose
plus amplement esclarcie par les responses
faites sur les Articles des Estats de Languedoc,
& quatre Arrests du Parlement de Tholose,
ia imprimez.

Quand au 24. article, il dit qu'ils sont en ar-
mes, nō point de leur volōté, mais pour y auoir
esté poussez, nous le croyons aucunement:
que non pas d'une volōté reiglee & condui-
te par raison, mais par vne cupidité enragée
de se venger, & d'asseurer eux & leurs richet-
tes vsurpees, ils ont esté poussez & contraints
à prendre les armes: lesquelles ils ont péché fort

habilement coulourer & couürir, pour se dire defenfeurs, & nous aggresseurs, en faisant leurs pratiques & coniuratiōs. Mais au moins fils estoient si fines gens, ne deuoient-ils pas amener ne retenir les Suiffes sous ceste occasion expresse & à eux declaree, pour combattre & domter ceux de nostre Religion, ny armer le peuple de Paris cōtre l'aduis des principaux d'entre eux. Est-ce l'expres commandement du Roy, cōme vous alleguez, pour luy maintenir son sceptre, quand vous & voz Ambassadeurs Espagnols & Papistes, commandez au Roy, & reuoquez les choses par luy accordees, suiuant l'aduis & conseil de plusieurs Princes du sang, & autres Seigneurs notables? Vray est que nous acceptōs vostre confession, en ce que dites auoir prins les armes, pour asseurer voz biens & vies, pour destourner & rabbatre les efforts de voz ennemis intestins, & mal domestiques: mais n'y mettez parmy la personne du Roy, ny vostre bonté & fidelité, si vous ne voulez estre contredits, arguez & conuaincuz de mensonge & calomnie.

Quant au 25. & subsequens, il fait semblant d'estre bien content de ses actions & menees, disant qu'elles ont succedé iusques icy bien heureusement: qui luy fait esperer vne bonne & semblable issue. Sur quoy nous ne

fauons ny ne voulons riē dire, sinon que nous
luy souhaitons de mesme, c'est assauoir, pa-
reille issue de son entreprise, au succez que luy
& les siēs ont eu iusques à presēt. Il a peu voir,
voir & verra, comme la Noblesse luy est affe-
ctionnee, ses voisins prests & delibērez de le
suiure, & comment Dieu est & sera protecteur
des Princes, & vengeur des iniures, surprises
& seductions à eux faites. S'il vse de faussetez,
mensonges & vanteries, pensant par là tenir
le monde en haleine & esperance, ce sont ses
ruses ordinaires: desquelles, sans parler plus
auant, n'a-il abusé le Roy & la Roynie en ceste
guerre, luy donnant tousiours à entendre, que
les nostres n'auroient aucun secours des Prin-
ces & Seigneurs d'Allemagne, & qu'il y auoit
bien pourueu? Aussi a-il bien pourueu à faire
venir le secours des Princes voisins & Estran-
gers, leur persuadant que ceste guerre, & la cō-
sequence d'icelle, les touchoit de pres: & que
leurs suiets par ceste contagion pourroient
faire semblables rebellions contre eux, s'ils
souffroient noz entreprises demeurer impu-
nies, alleguant autres belles raisons, dedui-
tes au 31. de ses Articles, & le dict des Anciens,
que le nom & sceptre Royal estoit Sainct &
inviolable. lequel il a bien fait cognoistre, que
il n'entendit onques. Car qui est celuy de

les hommes viuant, qui a plus deshonoré le
nom du Roy, que luy, s'efforçant de le faire ty-
ran? Qui est celuy qui a plus essayé à le surprē-
dre en son enfance & ieunesse, plus tasché de
contaminer sa dignité? qui luy a plus suscité de
troubles & angoisses? le laisse à parler du feu
Roy, lequel luy & son frere ont manié, com-
me Dieu & le monde sauent. Mais à fin qu'il
apprenne quelque chose icy, ie luy dy que ve-
ritablemēt le nom & sceptre Royal est Sainct
& inuiolable: parce que lon ne peut attenter
ou remuer, tant soit peu, le sceptre & la Ma-
iesté du Roy, que tous ses suiets ne s'en sentent
remuez & alterez. Car le Roy demurāt veri-
tablement Roy, est estably pour le bien vni-
uersellement de tout son peuple, qui luy est
suiet, comme le Roy aussi est suiēt au bien &
à la defense de son dit peuple. Et ne faut pas
faire si petite, ou estimer legere ceste Saincte-
té & inuiolabilité du Roy, qu'aucuns estimēt,
la limitant seulement par le respect & com-
modité d'une personne, mais par la Maiesté de
la personne publique, c'est à dire, contenant
en soy le bien de son peuple, laquelle person-
ne le Roy soustient, contient & represente.
Qui est vn poinct que lon doit souuent faire
sonner aux oreilles des Roys, pour maintenir
leur grandeur & dignité: & qu'en ce faisant,

c'est assaouir, escoutant benignement ses su-
iets en leurs requestes & remonstrances, & les
inuitant à ce faire, tant s'en faut que ce soit ca-
ptiuier la grandeur, comme cest Aduertisseur
parle, qu'il n'y a rien qui plus establisle la di-
gnité de sa grandeur, & seureté de son Estat,
que cest exercice de son office & deuoir.

Sur le 34. & subsequens, il ne se peut te-
nir, que sous la personne des discoureurs, il ne
descouure ses motifs & raisons, qui le meuen-
t à dissuader ceste paix, fondees sur le nom de
la Paix & d'Ennemis, sur la Iustice des Roys,
qui ne doit souffrir l'impunité des malfaiteurs.
Sur ce qu'il maintient que ceste rebellion est
comme vn chancre, qui ne se peut guerir que
par glaine, alleguant l'exemple des Romains,
& de nostre Roy saint Loys, il se tourne en
toutes sortes, voire iusqu'à se mettre en pour-
point, pour contrefaire le chirurgien: & puis
se vient fonder sur le poinct d'honneur. Tou-
tes lesquelles obiections, combien qu'elles
soient assez soluës par les raisons precedentes,
ce neantmoins à fin qu'elles ne laissent en l'es-
prit des hommes aucun ombre ou couleur de
verité, nous en parlerons briefuement, non
comme rebelles, ainsi qu'il nous appelle, mais
comme tres humbles & tresobeissans suiets de
nostre Roy, qui n'auons iamais eu autre inten-

tion, que d'exterminer ses ennemis, pour le faire regner heureusement, selon les loix & obseruâces anciennes de ce Royaume, & luy monstrier le chemin d'y paruenir de bonne heure, auparauant que les seductions de tels deprauateurs ne le precipitent és dangers encouruz par tous Princes, qui se sont departiz de l'amour de leur peuple, pour complaire aux appetis desordōnez de quelques vns, qui n'ont que ceste seule faison de biē faire leurs besongnes: c'est assauoir, quand le Prince par infirmité d'aage, ou autrement, ne peut faire iugement & election du bon & fidele cōseil, & rebuter le contraire. Mais son peuple, qui ne desire autre auātage ou bien-faict de son Prince, sinon qu'il soit Roy iuste, riche & florissant, retenant son peuple vny en son amitiē & obeissance, ne peut iamais alterer ou corrompre ceste louable façō de regner, sil ne se vouloit destruire soy mesme: chose totalement cōtre nature. En quoy l'imprudence & bestise de ceux qui deprauent les Princes, pour en faire leur profit, & fonder leurs maisons, est toute euidente & manifeste. Car ils introduisent telles coustumes si tyranniques en vn Estat, que les richesses par eux acquises, pour les establir & enraciner en leurs enfans & successeurs, leur sont aiseemēt arrachees par ceux qui suc-

cedent apres eux en leurs credits & auctori-
tez, suiuant les mesmes pas & coustumes in-
troduites par les premiers deprauateurs, qui
ont tauerné toutes loix & Edicts du Roy,
alterans les bons & anciens, pour en substituer
d'autres à leur plaisir: Tellement que les en-
fans de tels deprauateurs, par vne briefue
iouissance de tels biens, aussi aiseement appor-
tiz, comme ils auoient esté enrichiz, boiuent
l'amertume des fautes de leurs peres & prede-
cesseurs, au lieu d'une asseuree & lógue iouis-
sance de leurs biens, que leursdits predeces-
seurs leur pouuoient laisser, ce pendant qu'ils
estoiét en credit, fils eussent cōseillé leur Prin-
ce de faire iustice stable & constáte, sans met-
tre en auát les moyés des hōnestes & iniques,
d'enuahir le bien d'autrui, pour l'approprier
à soy, & en somme faire le pont à la tyrannie.

Quant au nom de la Paix, qu'ils disent ab-
horrer & fuir comme la peste, c'est chose
que nous auons assez cognue de leur grace: &
reconoissions en cela leur equité de confesser
verité. Mais ils se repentent incontinent, &
comme ils sont gens pleins de toute bonté,
aussi ne la veulēt-ils que bonne. Je suis d'aduís
qu'ils demeurent en ces termes. Car fils vien-
nent à esplucher le particulier par le menu,
quelle est la bonne paix, j'ay grand doute qu'

nous ne nous trouuions pas d'accord. Car avec ce mot de bonne paix, ils voudront interpreter, & dire, que la bonne paix est celle, qui est bonne pour eux, qui les entretient en toutes leurs aises, preeminences & auctoritez. Bien de par Dieu, combien que telle exposition de bonne paix soit aucunement dure & offensue des oreilles pitoyables, comme parlent leurs censures; toutefois nous la leur pourrions accorder, s'ils ne passioient plus outre. Que demandent-ils donques? Ils disent qu'ils ont mal à la teste, qu'ils ne peuuent endurer la veüe du iour, que lon leur oste ceste lumiere de verité, que nous facions comme eux. Commēt? Veu- lent ils que nous soyons malades comme eux? Ouy: sinon, ils disent qu'ils ne sauroient estre à leur aise, ne guerir. Voila vne maladie merueilleuse, de ne pouuoir guerir sans faire les autres malades. Je ne sache medecins en ce pais, qui les puisse sauuer. Si l'Anticyre, fertile d'Ellebore, n'estoit entre les mains du Turc, il n'y auroit point de mal qu'ils y allas- sent: car l'oracle de saint Mathurin est es- uanouy.

Ils alleguent que lon n'a point acoustumé d'vsurper ce nom de paix, sinō entre les Prin- ces voisins & regaux. Voila vn fort argument tiré de l'vsurpation d'vne coustume. Je deman- de qui

de qui sont ces coustumiers, ou si ce sont gens
de grand sens; entendement & raison, ou bien
si ce sont ceux qui n'ont gueres de raison, ou
point du tout. Si ce sont des premiers, gens
de raison, ils ont quelque raison pour fonder
cette leur coustume. Je saurois volōtiers quel-
le est ceste raison. Si ie confesse ne la cognoi-
stre; nostre Aduertisseur se mocquera de mon
ignorance; ce que ie prédray en patience, pour
ueu qu'il plaise à son excellence de me l'ensei-
gner. S'il veut alleguer l'vsurpation pour rai-
son, cela n'est pas hors de son naturel: car
plus grand vsurpateur ne sauroit lon trouuer
en ce monde. Mais ie luy maintiendray bien
aussi, que le nom de paix est en vsage, pour tou-
te tranquillité, qui appaise les mouuemens des
humeurs intemperement esmeuz en toute
sorte de corps, soit politique ou naturel: & se-
stend encore iusques à la tranquillité & repos
de l'esprit; que Dieu beneit sur toutes les au-
tres, comme la principale paix, que nostre
Sauueur Iesus Christ donna pour vn bien sin-
gulier à ses bien-amez Apostres & disciples:
de laquelle cest ennemy de paix ne fut onques
participant, & n'en eut iamais cognoissance.
Car sil l'eust cogniū, il l'eust aussi aimée, &
partant desirée, comme le vray exemplaire &
patron de paix, qui engendre & nourrit l'au-

tre sorte de paix, que les hommes doiuent auoir ensemble, que les Princes ne doiuent desdaigner d'accorder & ottroyer à leurs suiets, voire quand ils auroient totalement forfait. Car le Prince qui refuse telle paix, se fait plus de tort & de mal, que à nul autre. Et quiconque voudra bien considerer le deuoir & office du Prince, il trouuera qu'il ne peut auoir iuste occasion de faire guerre à son peuple, qui est son vray pais, contre lequel il n'appartient à personne d'user d'aucune force, comme estant le pere ou mere cōmune de tous hommes, & qui les entretient en ceste vie sociale & ciuile. Et cōmme l'ont dit les sages Anciens, tout homme doit toute chose à son pais, pourchasser son bien, porter patiemmet les fautes, & mesmement ses ingratitudes. Car le pais contient en soy tous les degrez de charité, lequel nous vnit, sans lequel lon ne sauroit faire aucun office de iustice ou humanité, ne vers pere & mere, ne vers enfans ou autres. Partāt la douceur du Prince en cest endroit, tant s'en faut qu'elle soit pernicieuse, comme dit cestuy-cy, qu'au contraire la rigueur & aigreur est tresperilleuse: & n'est ceste douceur reputee vne pusillanime lascheté ny defaillance de cœur. Car lascheté ne peut estre, sinon quand on delaisse vne action bonne & vertueuse, pour crainte

de danger: Mais se departir de ceste guerre, est
chose tressaincte, bonne, vtile à tous; & de
tous desirée, sinon de quelque peu de gens
menez & seduits par cestuy-cy. *mod. 35*
35 Quant au nom d'Ennemis, duquel il nous
descharge, nous luy serions grandement redet-
nables de telle courtoisie, pourueu qu'il ne
no^s appellast rebelles & seditieux. Mais voyez
sa consequence. Pource, dit-il, qu'ils ne sont di-
gnes de ce beau nom d'Ennemis, ils ne doiuent
aussi estre honorez de ce beau mot de Paix.
Comment & en quel estat donc voulez vous
qu'ils demeurent? Je veux (dira-il) qu'ils soient
tousiours en sedition & rebellion. Voila vne
estrange condition: & est à croire que le peu-
ple de Sicile, Naples & Ierusalem ne voudroit
vous auoir pour Roys, craignant vostre natu-
rel. Quand selon vostre fantasie vous iugeriez
voz suiets rebelles & seditieux, ils ne pour-
roient iamais esperer paix avec vous. Et qui
voudra diligemment recercher les histoires
de ces nations, lon trouuera que les frequen-
tes mutations d'Estat, & dechassemens de
voz pretenduz ancestres, sont aduenuz par
telles voyes, quand le Prince irrité contre son
peuple, luy a osté tout espoir de paix & recon-
ciliation. *mod. 36*
36 Puis il dit, que la bonté & clemence est

touſiours grandement recommandable ſaux
Princes, meſmés à ceux qui ſont en bas aage.
Ce mot de Meſmes, eſt fort à propos, pour
faire vne bonne cheuille: cōme ſi ceux qui ne
ſont en bas aage, n'euffent ſi grand beſoyn d'e-
ſtre recommandez de bōté & clemence. Mais
ie luy demande, ſi bonté & clemence ſont ſans
diſcretion & iugement des choſes & perſon-
nes, qui meritent ſentir la bonté & clemence
du Roy, & de ceux qui meritent le traitement
contraire. S'ils ſont avecques diſcretion & iu-
gement, telles vertus ſont plus requiſes en vn
Prince d'aage meure, que en la perſonne de
celuy qui eſt en bas aage: lequel n'ayant en-
core iugement ſuffiſant pour faire telle diſtin-
ction, eſt ſuffiſamment recommandé, ſi par
bon conſeil & inſtruction il ſ'achemine & ap-
prend la voye de bonté & clemence, & autres
vertus ſemblables, requiſes & neceſſaires à
faire vn bon Roy. Il dit que le Roy auant que
venir au remede des armes, a eſſayé par tous
moyens de flechir la contumace de ſes rebel-
les. Nous diſons encore à ceſte fois, comme
nous maintiendrons touſiours, que nous n'a-
uons rien à deſmeſler par armes avecques no-
ſtre Roy: lequel quand il nous auroit fait tou-
tes les rigueurs, comme il n'a iamais fait, & ne
le pourroit auoir fait en tel aage qu'il eſt, ſi eſt

ce toutefois que nous voulons demeurer ses fideles & obeissans suiets, & non d'autre Prince, ou de personne qui nous fist, abusant du nom de nostre Roy, nous imposer le ioug de seruitude. Mais, si l'eust esté conseillé d'essayer tous moyens auant que mettre ses forces aux champs, comme dit cestuy-cy, il eust esté induit à faire ouuerture de iustice contre ce perturbateur de paix, comme par les tres humbles requestes des Seigneurs il auoit esté requis: & ce faisant, la licence & impunité n'eust si longuement nourry l'audace de cestuy-cy, qui appelle les autres malfaiteurs.

37 Il parle pertinemment en termes de Medecin, quand il dit que la rebellion est le vray chancre d'un Estat, que les medecins disent estre incurable, & qu'il suffit de le traiter doucement, sans penser le guerir par sections ou cauteris. Mais nous laisserons icy ceste comparaison mal paree & bastie. Il allegue l'exemple des seditions Romaines, & guerres ciuiles, disant que la souffrance, tolerance & conuenance a esté la seule cause de la perte & desolation de ceste Republique: ce que nous luy accordons. Mais venons à la particuliere proposition de son argument, assauoir, qui est celui, duquel la tolerance (i'entens passive) a esté cause de ceste desolation. N'est-ce point de

ceux d'entre les Romains, que lon a trop souffert s'esleuer en richesses & puissances extraordinaires, c'est à dire, contre les loix anciennes de la Republique, comme Sylla, Marius, & Iules Cesar. Ausquels ia à Dieu ne plaise que ie vueille vous cōparer: car il y auoit en eux & du verd, & du sec, du bon & du mauuais. Mais en vous, qui est-ce qui remarquera vn seul traict de vertu, non plus qu'en Catilina? & si toutefois encore n'estes vous si grans guerriers. Pensez vous que lon ait oublié, de quels & cōbien petits commencemens, & par quels & combien honorables moyens vous auez surmonté tous les Seigneurs de ce Royaume en richesses, auctoritez & puissances extraordinaires, par lesquelles vous estes renduz si puissans, que toutes loix vous ont esté aussi faciles à transgresser, que toiles d'araignes. Pour reparation desquelles transgressions, nous auons esté forcez de prendre les armes contre vous & les vostres: à fin que soyez traitez selon voz merites, & ceux qui seront cy après, vous ayēt pour exemple memorable d'vne issue malheureuse, qui vous est destinee: & partant qu'ils se comportent plus sagement en leurs affaires, de peur que cerchans la felicité de Sylla, ils ne rencontrent la maupiteuse & violente mort de Iules Cesar, ou d'autres plus recens tyrans.

Cest Aduertisseur a tant fait par ces troubles,
qu'il a retardé le cours de la iustice contre luy,
& si fait la guerre sans porter harnois; ne se
mettre au rang des combatans: derriere les-
quels il se tient de bien loin caché, pensant que
par l'un & l'autre moyen il euitera la punition
de ses forfaits. Car pendant la guerre, il fait
bien que iustice n'a point de lieu ne vigueur, &
fait la guerre, en sorte que les siens seduits par
luy, combatent pour sa seurété: Tellement que
ce n'est de merueille, si l'on va par tout cornant la
guerre, & detestât la paix, employât à ceste fin
tout ce qu'il a de sens, entendement, & autres
moyens. Toutes lesquelles diligences le feront
cognoistre en fin, & par tout le mode, tel qu'il
est, c'est assauoir, ennemy iuré & commun de
tout le peuple de France: puis que luy seul &
ses adherans s'osent opposer à un si grand bié,
si vniuersellement desiré par toutes sortes de
gens, & la pluspart de ceux qu'il auoit aupara-
uant seduits: combien qu'il se soit tousiours
voulu targer du nom du Roy, & se dite prote-
cteur de sa dignité, comme fait celuy, qui se
cognoissant trop foible pour son ennemy,
prend l'enfant de son dit ennemy, pour se pa-
rer à l'encontre de luy, bien estant asseuré, que
randis qu'il le mettra au deuant, son ennemy
n'osera ruer sur luy.

Quant à l'exemple des troubles aduenuz du
rèps du Roy saint Loys, c'est bié autre chose,
quant à l'occasiō & execution. Car ils n'estoiēt
meuz pour cause sēblable à ceste-cy, c'est assa-
voir, pour l'establiſſemēt & cōſeruatiō de Re-
ligiō, ains pour l'ambition d'aucūs Seigneurs,
cōbatans ensemble pour le Gouuernement du
Royaume. Mais maintenant l'ambition est e-
uidente de la part de noz ennemis, lesquels ie-
stans Estrangers, n'ayans par les loix que voir
au Gouuernement, non plus que le moindre
Gentilhomme du pais, sont matritz d'estre de-
chassez, ou bien empeschez en l'entiere admi-
nistratiō par eux iadis vsurpee, & cruellemēt
exercee. Ce que lon ne peut dire de la part de
Monseigneur le Prince de Cōdē, qui a pluſtoſt
quittē la place, qu'il deuoit tenir de droit &
raison, que pour son esgard faire aucun mou-
uement en ce Royaume. Mais la principale
cause, qui l'a pouſſē à ce faire, a esté la defense
de la liberte de noz consciences, pour le faict
de la Religiō. Vray est que ceste premiere cau-
se a produit plusieurs autres causes de querels
lesmais toutes sont issues de la cause & defen-
se de la Religion, qui est, & a tousiours esté le
premier & le plus euidēt motif de tous ces
troubles. Contre laquelle Religion quicōque
s'est voulu opiniaſtremēt opposer, il a tousiours

iours cognū le contraire de ce qu'il en atten-
doit, c'est assauoir, qu'elle a pris vigueur & for-
ce par la resistance de ses ennemis. Et par ce
que cest Aduertisseur vse d'une similitude du
chirurgien, qui n'espargne le membre pourry,
comme il dir cy apres, ains le coupe hardimēt
pour sauuer le corps & la vie de son patient: &
que lon doit proceder ainsi à l'encontre de
nous, qui ne sommes ny vn membre seul du
total, ny des moindres de ce païs, contre les-
quels le retranchement n'est si facile à execu-
ter, que cestuy-cy pense: la comparaison est
mal comparable, & hors de propos. Car le
chirurgien tient son malade lié, & en peut tail-
ler & couper ce que bon luy semble, sans qu'il
se mette en danger: mais en la guerre, où cha-
cun a les armes en main, chacun aussi maintiēt
qu'il est le chirurgien, & que son ennemy est
le membre pourry. Et pour monstrier que les
Huguenots ne sont le membre pourry, que
lon puisse retrancher sans peril de celuy qui sy
voudroit iouer, il faudroit premierement les
bien lier & attacher: qui n'est pas en la puis-
sance des Prestres, auxquels ils esperent bien
faire sentir, si le plaisir de Dieu sy accorde,
que leurs bras sont assez roides & vigoureux
pour rōpre, nō pas seulemēt les cornes de leur
Antechrist, mais encore la teste, & celles de
tous ses sectateurs. Et ces victorieux, qui sont

demeurez en grand nombre sur le champ du Lendict, & ceux aussi de la iournée de Dreux, ou bien ceux qui rapportèrent les coups mortels de l'une & l'autre bataille dans Paris, ont suffisamment senty que lesdits Huguenots ne estoient membres pourris. C'est l'Apologue disant, que les rats trauallez mortellement par vn chat, feirent Chapitre general, pour sauoir quel moyen ils tiendroient, à fin d'euer les surprises & aguets du chat. Ils furent diaduis, suyuant l'opinion & proposition du plus sage d'entr'eux, qu'il falloit attacher vne sonnette au col du chat, pour estre tousiours aduertiz de sa venue. Mais ils se trouuerent en grãde perplexité sur l'execution, qui seroit celuy qui attacherait ceste sonnette. Ils en sont demeurez là iusques à present. Par ainsi ce seul poinct, qui est l'impossibilité, est suffisant pour arrester & dissiper toutes les raisons de cest Aduertisseur: car lon ne prend iamais deliberations sur choses impossibles, au moins entre gens non insensez.

Sur le 38. auquel il se fonde sur le poinct d'honneur, deduisant sa raison sur vne coustume assez estrange & vulgaire, que quelques gens de guerre retiennent, & de laquelle plusieurs gens de bien desirer la reformation generale, comme elle a esté receüe & approuuee par plusieurs grans & vertueux Seigneurs, & Gen-

till hommes, bien cognoissans, que le desmenty ou il se donne à tort, ou à droict. Si à tort, il n'a aucun pouuoir de toucher ou gaster l'honneur de celuy qui le reçoit: car l'honneur d'un homme vertueux ne depend pas d'une parole mal-dite par autrui: & si elle porte deshonneur, c'est à celuy qui le prononce, comme chose procedant de son faict & de sa maledicence. Car les fautes, vices, & legeretez d'autrui, ne peuuent alterer l'honneur d'autre, que de celuy qui les commet, & se doiuent amender & chastier par iustice. Si le desmenty est donné à bonne raison, y a-il rien plus raisonnable, que de le verifier & punir par la voye de iustice? Car de commettre telle verification au hazard des armes, c'est chose totalement estrange, & contraire à la raison & societé civile, non seulement repugnante à la Religion Chrestienne: qui deuroit estre suffisante chose pour empescher telles voyes. Car en tels cōbats lon fait assez, mesmes par aucuns de ceux de nostre temps, que souuentefois la victoire est demeuree au plus adroict des armes par luy choisies, & la bonté de la querelle a esté opprimee & vaincue avec son combatant. Voila pour respondre generalement contre le fondement que cestuy-cy prend. Auquel ie demanderois volontiers, pourquoy ne vient-il exposer sa vie sur tant de desmentiz, reproches

& diffamations qu'il reçoit ordinairement, & qu'il ne peut ignorer. S'il est Prince, il trouuera qui le combatra en ceste qualité, voire grandement surpassant la pretendue Principauté. S'il est simple Gentilhomme de Haynaut, comme il estoit aux precedens trouuables, ou Gentilhomme reuenant depuis quelques ans de Poloigne, & seiournant à Hildesberg, comme à present, il n'aura faute de Gentilshommes Haynuiers, François, ne autres, qui luy soustiendront, qu'il est la mēterie mēme, & monstre composé de toutes sortes de vices. L'entens assez qu'il se dira n'estre de la profession des armes, comme étant par ses bulles, mēbre honorable de l'Eglise Romaine. Mais ces membres honorables veulent retrancher les membres pourriz, & faire mettre en armes tout le monde pour leur plaisir & appetit desordonné de dominer, prenans toutes les aises & cōmoditez pour eux, faisans croire aux autres, qu'ils sont bien-heureux de mourir pour leur grandeur & tyrannie: qui sont les fruicts de la fausse Religion, longuement inueterée, & viuement enracinée és cœurs du simple peuple. Puis voulant faire la deduction de son argument du moindre au plus grand, il dit qu'il n'y a point de proportion de simple Gentilhomme à vn Roy, & encore moins d'vne parole contumelieuse, à tant d'affrons, frayeurs, torts,

dommages & iniures, que la Maiefté a receu
de fes rebelles. Pour à quoy répondre, doit
fuffire ce qui a esté touché cy deuant, que tout
l'effort de ceste guerre n'est dressé finon con-
tre luy & ses complices, qui sont les vrayes cau-
ses de ceste guerre, qui l'ont tousiours couuée
depuis les premiers troubles, & allumée en
ces derniers iours, en amenant les forces des
Estrangers en ce Royaume, armant le peuple
Papiste de Paris, faisant coniuration de mort
contre les principaux Seigneurs, & bastissans
Edicts tendans à l'entiere subuersion de nous
& de nostre Religion, par le moyen du Pape
& du Roy d'Espagne, comme il a esté assez
conuaincu par lettres escrites, tant de leur part
que de celle qui possede le Roy. Ausquelles
pratiques & menees il faut donner la coulpe
de tous les maux, que la necessité malheureuse
de ceste guerre a apporté tant d'un costé que
d'autre. Car si nous eussions dilayé de prendre
les armes, ils eussent executé contre nous ce
qu'ils auoient machiné, deuant que le mois de
Octobre dernier eust esté passé. Si l'heur du
Roy estoit de prendre en ceste part bon con-
seil, & ne prester ses forces & auctorité à l'am-
bition des Prestres, ou bien de nous asseurer
d'impetrer iustice à l'encontre d'eux, il verroit
en peu de temps tout claiement, qui sont ceux
à qui les nostres se veulent attaquer: & ne de

uroit aucunement douter, qu'il ne fust de nous
reçognu & obey comme Roy, ains s'en tenir
tout asseuré, par l'issue des troubles precedens:
lesquels finiz & terminez par la mort d'un seul
homme, le Roy fit de nous ce que bon luy
sembla, en nous donnant la loy, comme il e-
stoit raisonnable, & qui a esté par nous inui-
tablement obseruee, & par noz ennemis tous-
iours empeschee.

Quant au 40. Article, il ne s'aduise pas, que
la force de la verité l'a amené en vne contra-
diction euidente de ce qu'il veut soustenir, qui
est la dissuasion de la paix: & icy il dit, que la
necessité commande à tous bons suijs du Roy,
de se tenir vniz & vnanimés. Le luy demande,
où peut estre ceste vnion, si ceste guerre dure,
comme il pretend la faire durer? Où sera la seu-
reté de la Couronne du Roy? où sera la patrie,
& le repos public? Ne voyons nous desia le
nombre effrené des nations Estrangeres, in-
troduites en ce Royaume, le rongeurs incef-
samment iusques aux entrailles? Peut on di-
re, que durant celle guerre il y ait aucun bien
ne repos public? Le Roy n'y peut sentir aucune
seureté de sa Couronne, de laquelle les Princes
de son sang, avec les Nobles & naturels Fran-
çois, sont vrais & affectionnez defenseurs, non
pas les legions de Prestraile coniurees con-
tre nostre Roy & nous, sous faux donner à en-

tendre, & manteaux masquez de leurs fausses Religions. Il est en la main du Roy d'auoir la paix en son Royaume, avec entiere obeïssance de tous ses suiets, & laisser faire la guerre à cest ennemy de paix, aux despens de luy & des siens. A quoy sil plaisoit au Roy se resoudre, il verroit, à son grand repos, & seureté de son Estat, que cestuy-cy seroit contraint de tenir autre langage, & demander la paix en despit de luy, si tant estoit qu'il la peust obtenir: car avecques luy il n'y en peut auoir.

Quât au 41. Article, nous disons que le fruit de ceste paix est tout asseuré. Car par icelle les mesprisans & conténâs la Maïesté du Roy, seront cōfus & puniz, sa personne asseurée à l'en-cōtre d'eux: les Prestres & Moines calomnieurs seront conuaincüz de la rebellion qu'ils nous obiectent: leur impudence effrontee sera rabaissee, leurs mauuaises intétions arrestees, respit & loisir au Roy de sortir hors de ses affaires, & s'acquitter par la suppression des abus faits és collations des benefices, en supprimât & empeschant toutes nouuelles prouisions des benefices vacans, & alienant les terres & reuenuz d'iceux benefices, pour s'acquitter. S'il fait quelque conscience de suiure le conseil & aduertissement tresutile & expedient, à luy ia donné, de vèdre tant des terres de l'Eglise que besoin luy fust pour sortir de ses deb-

tes : au moins cestuy-cy est le party le pl^s doux
pour les beneficiers de present : car ils auront
ce qu'ils demandent, principalement pour leur
interest, iouissans de leurs biens leur vie durât.
qui est le principal poinct qu'ils desirer, & du-
quel ils pouuoient estre assurez, ils ne se sou-
cieront gueres d'autre chose. Tout autre in-
terest, que lon pourroit pretendre, seroit de la
part des collateurs ordinaires, ou du Pape, les-
quels empeschez par ce moyen de veoir leurs
prouisions, ou les donner en recompense de
seruices, bien souuent des honnestes, pourroient
intimider le Roy, & remplir de superstition,
alleguans les fables de leurs Anciens, & la cre-
dulté des gens de ce temps-là, comme si Dieu
faisoit miracles pour nourrir leurs abus par
trop manifestes. C'est l'un des principaux
fruits que la paix apporteroit au Roy & à son
peuple, pour le regard des choses externes:
c'est assauoir, le moyen de payer les creanciers,
& racheter son domaine, sans greuance au-
cune autre, que de ceux que i'ay touché: qui ne
est aucunement considerable, pour le grand
bien qu'elle apporteroit. Et si n'y a meilleur
expedient de faire cesser les menées des Pre-
stres, & les esmotions de guerre, que leur ron-
gner les ongles de biē pres, & leur monstrier,
que lon veut commencer par le plus aisé & le
plus doux, à fin qu'ils cognoissent, ils perse-
uerent

uerent de faire les enragez, que lon les peut
mettre en blancs draps, sans esperance de se
reuestir, si ce n'est de leur patrimoine, ou par
le labeur de leurs mains. De quoy ils ont veu
l'experience par deux fois, qui les menace de
pres, s'ils ne viuent paisiblement.
Qui est pour respõdre au 42. Article, auquel
ils nous reprochent la falsification de foy, &
promesses donnees. Qu'ils en dient vne, sans
alleguer generalité, qui contient confusion,
comme nous entre les autres leur pouuõs vé-
ritablement mettre en auant les promesses
par eux faites en presence du Roy estant à
Moulins, d'acquiescer au iugement & arrest
dudit Seigneur, seant en son Conseil, interue-
nu sur l'innocence de Monseigneur l'Admiral,
à tort chargé de la mort du feu Duc de Guise.
Combien de fois ont-ils voulu depuis surpré-
dre les deux Seigneurs, Admiral & d'Andelot,
outre la coniuration derniere faite en la mai-
son de Marchais, le Roy estant dernièrement
au pais de Picardie? Laquelle coniuration des-
couuerte, iustifie assez la prise des armes des
Seigneurs de nostre part: auxquels lon ne peut
rien obiicer, sinon qu'ils deuoient vn peu atten-
dre l'execution, sans se preparer à la defense,
puis qu'ils auoient souffert & passé par tolerā-
ce plusieurs retranchemens de ce qui leur auoit
esté accordé par l'Edict de Pacification.

Sur le 44. Article, nous disons que iamais nous n'aurons aucunes armes, ne couillees ny defrouillees, pour en vser autrement que bons & fideles suiets du Roy: mais aussi n'en aurons nous faite pour nous munir & defendre contre luy & ses complices, quand bien il trouueroit encore moyen par la tyrannie de nous faire desarmer pour la seconde fois: esperans que le Dieu des armees & armes, nous en fourniroit tousiours, qui ne done point ses biens, sans donner pareillement moyens pour les conseruer, ou bien ceux que cest Aduertisseur deduit, & desquels il nous aduertit par cest Article, ou bien d'autres meilleurs qu'il ne peut comprendre: mais ces bons Reformez, dont il parle, les luy apprendront, quand il leur donnera occasion de se faire couper la gorge, & par ce moyen de deliurer le Roy des frayeurs, qu'il luy donne par le 45. Article.

Sur le 47. nous confessons avecques luy, que l'heureuse issue de la guerre depend de la bonte & iustice de la cause. Mais que la iustice & bonte soit de son costé, cela est tout nostre different: duquel ils ne peuuent prendre resolution à leur contentement & auantage, tel que nous, qui sommes asseurez és Escritures & promesses diuines, sur lesquelles il n'est possible de fonder deux veritez ne deux iustices, contraires l'une à l'autre.

Au 48. nous respondons, si trouble aduint
en Espagne sur le commencement de Charles
le quint, l'issue en a esté telle, que raisonna-
blement elle deuoit estre. Mais il n'estoit lors
question de la Religio, & si n'y auoit point de
Lorrains vsurpateurs du Roy & du Royaume.
Quant à la Roynie Marie d'Angleterre, ce luy
fut vne felicité malheureuse à tout son pais:
car elle engendra troubles sur troubles: telle-
ment que la Roynie qui luy succeda, & qui est
à present, destruisit entieremēt ce qu'elle auoit
basty. ce qu'elle n'eust eu pour uoir de faire, si
les actions de sa sœur. eussent esté selon Dieu:
& eust esté trop meilleur à tout le pais d'An-
gleterre, que la Roynie Marie n'eust renuersé
l'establissement de feux ses frere & pere. Quāt
au pais de Flandres, qui est celuy qui ne sache
son affliction: qui est l'homme de bien, qui
n'en soit tresmal content: qui est l'homme fi-
dele, qui n'espere sa deliurāce estre prochai-
ne, & dependre apres Dieu de l'issue heuren-
se que Dieu nous promet de ces tempestes ci-
uiles, suscitees pour la Religio, qui a tousiours
eschappé les efforts de ses ennemis, ayant sen-
ty en Allemagne les forces contraires d'un
Empereur Charles cinquieme: Mais de quel
Empereur? Tel & si grand, que depuis Char-
lemagne il n'y auoit eu son pareil. Ceste mes-
me Religion a passé & surmonté les squadrōs

des Suisses. Elle regne aujourdhuy en toute
Angleterre, avec l'heureuse & paisible obeis-
sance de sa Royné. Elle commande en Escocce,
avec le piteux & tragique euentement de celle
qui en estoit Royné: & le tout pour auoir esté
trop addonnée à la part & au cōseil de son on-
cle: laquelle toutefois Dieu vueille par sa mi-
sericorde bien consoler, & fortifier en toute
patience, & recognoissance de son deuoir.

Quant au 49. que dirons nous autre chose,
sinon qu'il est heureux, sil est tellement trans-
porté de son esprit, que de penser les precedés
troubles par luy suscitez, auoir succedé selon
son souhait, & pouuoir faire croire à ceux, qui
estoint en la bataille de Dreux, qu'ils ayent eu
la victoire, en laquelle les principaux chefs
des leurs y demurerent, l'un pris, l'autre tué,
& le troisieme fut bien auisé de ne soy hazar-
der au combat, pour suruiure encore deux ou
trois mois apres, & venir rendre ses derniers
abbois deuant la ville qu'il haïssoit plus que
nulle autre. En laquelle bataille de Dreux, il
ne fait grand cas, que huict cens, ou mille
vaillans Gentilshommes de la part de son
frere ayent esté occis: & voudroit que le
nombre en eust esté encōre plus grand. Quant
à la desfaite de Poncenat, il me donne enuie
de reciter l'histoire briuelement, & de la ven-
geance qui s'en est ensuiuie. C'est que quelque

cōpagnie de ses gens de pied, arrestee sur le pillage, festoit desbandee de la troupe, qui fut surprise & traitée, comme à la verité elle meritoit. Mais cela ne demeura long temps impuni. Car par la vertu du Baroide Bourniquet, capitaine Mauuais, & autres bons & vaillans capitaines & soldats, les ennemis n'en eurent pas longue ioye. Lesquels pensans auoir aussi bon marché de la compagnie totale, comme ils auoient eu de ceste parcelle, auoient attiré de toutes parts les païsans, & iceux mis en embusche sur les aduenues des passages, avec instructions, qu'ils ne feissent faute de mettre en pieces ceux qui s'enfuiroient: & leur dirent d'auantage, qu'ils pourroient faire semblant d'estre Papistes, prieroient la vierge Marie & les Saints: Mais n'en croyez rien, & ne les espargnez. Ces vaillâs Cheualiers pleins de vaine confiance, & les nostres apres auoir inuoqué l'aide de Dieu, vindrent à se rencôtrer. La melee & cōbat ne dura gueres. Les ennemis esto nez & batuz, se meirent incontinent en route, & tomberent entre les mains de leurs païsans: lesquels feirent contre eux, tout ainsi qu'ils eussent fait contre les nostres, nonobstant leurs crieries & remonstrances qu'ils estoient Papistes: tellement qu'ils furent batuz & tuez de tous costez, & tomberent és fosses & pieges qu'ils pensoiēt auoir rendu cōtre les

nostres. Et depuis passant par la ville d'Orléans,
pour aller trouuer l'armee de Monseigneur le
Prince, j'en veis les drapeaux & enseignes, ius-
ques à sept ou huit, attachees aux fenestres es-
tans sur la grande place de ladite ville, & plu-
sieurs beaux & bons cheuaux, dont les nostres
festoient bien accommodez & remonte-
z. Quant à la victoire, qu'il dit que Dieu a don-
née au Roy pres saint Denis, nous sommes
contens de le croire. Car les nostres ne se sont
iamais aduouez d'autre Seigneur que du Roy.
Et si Dieu a donné la victoire à l'armee, qui a
mené battant ses ennemis iusques aux portes
de Paris, & occis leur chief, nous y ontons rap-
porter le fruit de ceste victoire au Roy, & nō
à autre. En laquelle bataille l'assistance & fa-
ueur diuine vers les nostres, est grandement
memorable & admirable: car il est certain, cō-
me nos ennemis estoient six contre vn, aussi
en mourut il six fois pl^{us} que des nostres. Pour
confirmation de ceste victoire, lon se presen-
ta le lendemain au combat en mesme lieu: au-
quel nul des ennemis ne s'osa iamais presen-
ter. Ayant donques esté l'issue telle de ceste
bataille, & toute autre notoirement, que cest
Aduertisseur n'a rapporté, qui est celuy qui luy
pourra donner foy es choses moins cognues.
Au si. il ose dire en blasphemant, que quand
Dieu ne feroit que garder les gages, il faudroit

esperer l'issue selon les forces . A quoy nous
attacherons nous sur ce propos ? Laquelle est
la plus grande & desbordée, ou la vanité qui se
promet l'issue selon les forces, dõt tout le con-
traire est aduenu souuëtefois, & aduiët tous les
iours , mesmement en ceste iournee derniere
de saint Denis , & autres particulieres rencõ-
tres, esquelles le plus grand nôbre a tousiours
esté vaincu par le plus petit ? Que dirons nous
sur le blaspheme, appris en l'eschole d'Epicu-
re, qui fait Dieu oisif, spectateur de noz actiõs,
sans y vouloir aucunement pouruoir , de peur
qu'il ne trouble son repos heureux ?

Quant aux 52. 53. 54. il y a esté assez respõdu
cy deuant. Et quāt au dernier, nous n'auons
que contredire, & sommes d'accord avecques
luy: par ce que demeurāt és termes d'vne sain-
cte proposition vniuerselle, il ne particularise
point, comme il a fait ineptement, impudem-
ment & faussement és precedens Articles.

F I N.

F A V T E S A C O R R I G E R.

E. feuillet iij. b. ligne 25. lisez, conseruatrices. G j. b. 9.
naiz pour. G. ij. b. 13. ensuiuis. G. ij. b. 5. que telle. H. ij. 2.
6. & les. b. 19. si legere. H. ij. a. 19. puis il. b. 13. selection. 25.
& si tyranniq. H. iij. b. 1. effacez, avec. I. j. a. lig. 1. & 3. 6
sont. I. ij. a. 19. estre rebelles. K. ij. b. 27. du simple.















